



Broj: 02-05-1- 505 /19
Datum, 14.03.2019.godine

Z A P I S N I K

Sa 25. sjednice Općinskog vijeća Maglaj
održane dana 14.03.2019.godine u 09,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća, zaključaka Kolegija od 07.03.2019.godine i Programa rada Općinskog vijeća za 2019. godinu otvaram 25. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

U vezi sa navedenim želim da upoznam Općinsko vijeće da je vijećnik SBiH Vehabović Elvir dana 11.03.2019.godine, obavijestio Općinsko vijeće da ubuduće nastupa kao samostalni vijećnik, a da zadržava članstvo u zajedničkom Klubu zajedno sa vijećnikom Muhamedom Hrnjićem, vijećnikom SBB.

Poziv na sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 25. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutna vijećnica Avdić Selma.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 24. redovne sjednice Općinskog vijeća.

Da li ima primjedbi na zapisnik sa 24. redovne sjednice?

Vijećnik Adis Abdurahmanović, 13. tačka dnevnog reda, stranica 19. Moje izlaganje kompletno je pomiješano, kreće sa trećom rečenicom, pa je prva ubačena dole, da ne čitam da vam ne oduzimam vrijeme, čak i prijedlog Kluba vijećnika samo ću njega pročitati da vidite da to nije to.

Predsjedavajuća OV, znači doraditi dio zapisnika koji se odnosi na izlaganje vijećnika Abdurahmanović Adisa vezano za tačku 13.

Nema više primjedbi na Zapisnik.

Jednoglasno je verifikovan zapisnik sa 24. sjednice Općinskog vijeća uz uvažavanje sugestije vijećnika.

Predsjedavajuća, otvaram raspravu po pitanju dnevnog reda.

Na Kolegiju smo usaglasili dostavljeni vam dnevni red za današnju sjednicu. Načelnik općine je tada napomenuo da ukoliko Služba uspije pripremiti materijal i dostaviti do održavanja sjednice Općinskog vijeća, a vezano za pristupanje djelimičnoj izmjeni Regulacionog plana Centar Maglaj – sjeverni dio, da će biti prijedlog za proširenje dnevnog reda. Materijal je dostavljen putem maila od strane Službe svim vijećnicima i svim partijama. Predlažem da dnevni red proširimo za tačku Odluka o pristupanju djemičnoj izmjeni Regulacionog plana „Centar Maglaj-sjeverni dio“, samo da utvrdimo gdje da uvrstimo tu tačku.

Pauza Klub SDA.

Vijećnik Safet Jašić, na Klubu smo dogovorili da ova tačka ide u dnevni red. Mi nismo imali pisanog materijala, ovdje piše prijedlog.

Predsjedavajuća OV, o pristupanju djelimičnoj izmjeni samo da se ide u izmjenu., a nacrt će doći na slijedećoj sjednici.

Vijećnik Hajrudin Fermić, hoću da iskažem svoj stav da ću podržati ovaj prijedlog dnevnog reda. Samo da zamolim da ubuduće svi oni obrađivači materijala koji pripremaju materijale i dokumente za sjednice Općinskog vijeća ispoštuju makar onaj minimum Poslovnika i poslovnčkih obaveza. Ja moram zbog javnosti da kažem da

smo mi imali praktično samo dva dana od saziva do kolegija i praktično šest dana od kolegija do sjednice Općinskog vijeća i danas ponovo smo u situaciji da utvrđujemo dopune prijedloga dnevnog reda, što nije neka posebna ni hitnost, ali obzirom da je u pitanju ova procedura bit ću i ja za to da prihvatim ovaj prijedlog Odluke, kako bi se mogla pokrenuti redovna procedura.

Predsjedavajuća, nakon ovoga prvo se izjašnjavamo o prijedlogu za proširenje dnevnog reda za tačku Odluka o pristupanju djelimičnoj izmjeni Regulacionog plana „Centar Maglaj-sjeverni dio“. Ko je za?

Usvojeno jednoglasno sa 24 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ), Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, Ermina Muminović, (SDA), Mustafa Buljubašić (samostalni vijećnik).

Nakon toga pročitat ću dnevni red koji smo usvojili

Vijećnik Edib Delić, ja ću predložiti, odnosno Klub SDA će predložiti obzirom da kao prva tačka dnevnog reda stoji Informacija o radu Općinskog vijeća, iz iskustva i prakse nikad nije bila informacija, nego je bio izvještaj o radu. Kad pogledamo i Program rada za 2019. godinu u tački 3. na prvoj stranici stoji Izvještaj o radu Općinskog vijeća Maglaj za 2018.godinu. Klub SDA predlaže da umjesto informacije ide Izvještaj o radu.

Predsjedavajuća, ja ću vas samo podsjetiti na diskusiju koju smo vodili prošle godine kad smo usvajali istu tačku dnevnog reda. Cini mi se da je gospodin Jurišić izašao i sugerirao da li da to zovemo izvještaj ili informacija, obzirom da mi usvajamo svoj izvještaj, pa smo mi iz tog razloga uzimajući u obzir tu sugestiju iznesenu prošle godine, vezano za ovu tačku dnevnog reda, pokušali da uvažimo i diskusiju gospodina Jurišića. Informacija se prima k znanju, a izvještaj svoj usvajamo pa iz tog razloga je jedina dilema. Ne predstavlja nam nikakav problem da to izmijenimo. Sugestija Kluba SDA je da to ide kao Izvještaj. Jasno je šta je po Poslovniku.

Vijećnik Josip Jurišić, i meni je sasvim svejedno. Ja sam prošle godine to rekao čisto iz tehničkog razloga da ako mora biti izvještaj, neka to bude izvještaj, svejedno je.

Predsjedavajuća, sugestija Kluba SDA je da se Informacija o radu OV preinači u Izvještaj o radu Općinskog vijeća Maglaj.

Pauza za Klub SDP-a.

Predsjedavajuća, nema razloga da diskutujemo o tome, prva tačka dnevnog reda bit će Izvještaj umjesto Informacija o radu Općinskog vijeća za 2018.godinu. Tako će se i tretirati. Dajem na glasanje

D N E V N I R E D

1. Izvještaj o radu Općinskog vijeća Maglaj za 2018. godinu;
2. Prijedlog Programa rada OV za 2019. godinu ;
3. Prijedlog Odluke o izmjeni i dopuni Odluke o općinskim administrativnim taksama i tarifama općinskih taksi;
4. Prijedlog srednjoročnog - Trogodišnjeg plana potencijalnih projekata JPP-a 2019.2021. godina i Godišnjeg plana potencijalnih projekata javno-privatnog partnerstva za 2019. godinu;
5. Izvještaj o radu za 2018.godinu i Program rada za 2019. godinu Zdravstveni savjet;
6. Etički kodeks Komunalnog javnog društva Maglaj doo Maglaj;
7. Strategija razvoja turizma i turističkih potencijala na općini Maglaj za period 2019.-2024. godine;
8. Prijedlog Odluke o izmjeni i dopuni Odluka o provođenju planskih dokumenata Općine Maglaj;
9. Prijedlog Odluke o prosječnoj konačnoj građevinskoj cijeni 1 m2 korisne stambene površine na području općine Maglaj za 2019. godinu;
10. Prijedlog Odluke o izmjeni Regulacionog plana „Centar Maglaj-južni dio“ ;
11. Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“;
12. Informacija o deminiranju, obilježavanju, uništavanju neeksplozivnih ubojnih sredstava te provođenju akcije „Žetva“ na općini Maglaj u 2018. godini;
13. Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2020. godinu i Dokumenta okvirnog budžeta/proračuna za period 2020-2022. godinu;
14. Saglasnost za imenovanje direktora JU „Dječiji vrtić“ Maglaj;

Usvojeno jednoglasno sa 24 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ), Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić (samostalni vijećnik).

AD – 1 Izvještaj o radu Općinskog vijeća Maglaj za 2018. godinu;

Emina Hasanić, obzirom da se Izvještaj usvaja, u svojim materijalima ste dobili Izvještaj o radu Općinskog vijeća za 2018.godinu, koji sadrži kompletne dnevne redove svih deset redovnih sjednica OV, navode kada su održane jedna vanredna i dvije svečane sjednice. Zatim pregled broja održanih sjednica stalnih radnih tijela, učešće vijećnika u diskusijama, u pokretanju inicijativa i broj postavljenih vijećničkih pitanja i izvršenje Programa rada Općinskog vijeća, što u tabelarnim prikazima u materijalu imate jasno prikazano.

Kada su u pitanju sugestije za poboljšanje rada Općinskog vijeća uvijek treba težiti boljem, modernizaciji i realizacije sjednica, što aktivnijem učešću vas kao vijećnika, edukaciji vijećnika, što ne samo da bi bilo poželjno, nego i neophodno da svi vijećnici prođu, a što imamo mogućnost kroz besplatne edukacije kako bi na kvalitetniji i transparentniji način funkcionisali u Općinskom vijeću Maglaj.

Otvaram raspravu

Vijećnik Josip Jurišić, ja ću odmah reći i za drugu tačku dnevnog reda. Meni je to sasvim svedjedno da li je izvještaj ili informacija. Mi smo to sinoć na svojoj sjednici HDZ malo pogledali i svi znamo koji smo bili prošlu godinu, znamo o čemu se radi. Sve ove tačke dnevnog reda smo prošli, sve su usvojene. Ono što je zanimljivo što nismo znali to su ove zadnje dvije stranice 14 i 15. koliko je ko puta od nas izašao i rekao i podnio inicijativu, što mi sami ne znamo. Sami prihvaćamo svoje pa sam iz tog razloga i prošle godine sugerisao da to bude informacija, ali neka to bude tako.

Kada sam ovdje i drugu tačku dnevnog reda, ja ću podržati i Program rada Općinskog vijeća za 2019.godinu.

Vijećnik Safet Jašić, Klub vijećnika SDA smatra da je Općinsko vijeće u proteklom periodu radilo jako loše. Da je to tako iznijet ćemo nekoliko razloga zašto ovo govorimo.

1. Održano je samo deset redovnih sjednica, što je zaista malo i nije ispoštovano ni ono jednom mjesečno, bila je praksa jednom mjesečno i u svim ranijim periodima.
2. Nije realiziran Program rada Općinskog vijeća za 2018.godinu, a ovom prilikom nećemo nabrajati sve nerealizovane tačke koje su bile navedene u Programu rada, a njih je cca 44, to stoji u materijalu.
3. Rad komisija Općinskog vijeća također koji se nalazi u izvještaju OV za koje i dalje odgovorno tvrdimo da nisu legalno izabrane, apsolutno nisu radile, a što se vidi iz materijala koji nam je dostavljen.
4. Klub vijećnika SDA na najveći broj svojih vijećničkih pitanja nije dobio odgovor, a čak nam je i od strane nadležnih koji bi trebali dostaviti odgovore u pisanoj formi na samim sjednicama OV govoreno je da ih nećemo ni dobiti, što je u najmanju ruku omalovažavanje vijećnika i Kluba SDA.

Klub vijećnika SDA ne prihvata ni prijedlog mjera za poboljšanje rada Općinskog vijeća i smatramo da ove mjere kojih praktično da i nema, neće nimalo ni u bilo kojem pogledu poboljšati rad Općinskog vijeća u narednom periodu.

Vijećnik Mustafa Buljubašić, ja po ovoj tački ću se izjasniti negativno i ne prihvatam je iz razloga o kojem sam ovdje dosta puta govorio. Smatram da to i sad trebam da kažem i slažem se i sa prethodnicima koji su diskutovali da se ne provode odluke Općinskog vijeća onako kako bi trebale. Znam kako se odluke donose, to je manji problem, ali je problem u ne provođenju istih odluka od strane službi, šefova službi i nadležnih i odgovornih, a pogotovo što bi u tome trebali da učestvuju i predsjednica OV i dopredsjednik OV. Provođenje odluka OV kad su u pitanju penzioneri, tamo postoji odluka koju smo donijeli da se penzionerima da određena suma za pomoć, za ugrožene, za socijalne pomoći za lijekove itd..Moram ovdje da obavijestim i volio bih da to i javnost zna da od predviđenih 15.000 KM, Udruženje penzionera u Maglaju za te namjene nije dobilo ni jedne marke. Kazat će neki nema programa. Molim vas, program penzionera je liječenje, ishrana, liječenje, ishrana i ništa više. Ne mogu penzioneri raditi, ne mogu dobiti oni kao udruženje jedno, a da druga ne dobiju. Nama trebaju banje, nama treba ishrana, nama trebaju sokovi, lijekovi. Kad odete ljekaru kažu treba bi pit sokova, jest voća, ne jest staro meso, a lijekovi su i te kako skupi za budžet svakog penzionera, pogotovo onih koji imaju najmanja primanja. Vi treba da znate da 75% penzionera su prešli 70 godina starosti. Šta ti ljudi mogu raditi? Ja nemam ništa protiv djece, ali svako dijete od 1,5,7,10 godina ima vremena da namiri ono što mu treba u životu. Penzioner nema više vremena i ne slažem se da se na način preko mene sveti tim penzionerima. To je tačno ako treba da se ovdje dokazujemo, dokazivat ćemo, ali ja bih volio da ne dokazujemo, jer to je nešto što nije pošteno. Da bi nešto riješio stvari na malo bolji način, imao sam priliku, sjeo sam sa gospodinom dopredsjednikom OV, jer mi je on ovako računajući kao najbliži, popričo sa njim da popriča sa gospođom predsjednicom i da zajednički odu kod Načelnika kad je u pitanju ovo pitanje da se riješi. Nisam dobio nikakav odgovor, što znači da je stanje negativno. Ja njemu nemam šta zamjeriti, ali sam iz toga naučio i vidio šta je. Zato i radi takvih odluka, ja za ovo ne mogu glasati i nikad neću glasati i neka niko ne misli da se može kaubojski ponašati. Nema više kauboja sad su marinci. Prema tome, sve vas

vijećnike molim da kad su u pitanju penzioneri da im se pomogne. Penzioneri isplaćuju, samo da vam kažem, od nove godine do danas je isplaćena 31 pomoć koju mi dajemo po 200,00 KM, jedna je bila 300,00, jedna 500,00, pa izračunajte koliko je to. 60 ljudi od nove godine je dobilo po 50,00 KM za lijekove. Sve je to iz naše članarine i naših prihoda. Sramota je da to u općini nema nigdje. Tako se ljudi ne disciplinuju, pa ni ja čak se tako ne disciplinujem. Ja imam podršku od penzionera, to je što se tiče mene i ove odluke. Ja je ne mogu prihvatiti iz takvih razloga, a izlazit ću još po nekim odlukama.

Vijećnik Hajrudin Fermić, replika – imenom i prezimenom i funkcijom sam na neki način prozvan i red je i da odgovorim. Naime, pred kraj prošle godine, pred samu novu godinu prije nego što smo imali na dnevnom redu tačku dnevnog reda Budžet, gospodin Buljubašić je mene nazvao i pitao da popijemo kafu. Naravno kao dugogodišnjeg poznanika i prijatelja otišao sam bez ikakvog znanja šta ćemo tamo u kancelarijama penzionera i o čemu da razgovaramo. I zaista smo razgovarali o svemu, uglavnom najviše o tim tekućim aktivnostima Udruženja penzionera. Ono što je važno i napomenuti tamo kad se zovne čovjek na kafu, ne kaže se dođi u funkciji zamjenika predsjedavajuće ili dođi kao novinar ili kao građanin ili možda čak i kao proširenog člana Udruženja, obzirom da imam u porodici i člana Udruženja. Tamo je između ostalih tema bila i ova, znate ako vi budete prihvatili da se izvrši realizacija Budžeta za 2018. godinu, onako kako bi ja volio, odnosno kako mi smatramo u Udruženju, ja ću glasat za Budžet. To je bilo tako i naravno da se ja nisam apsolutno želio uplitati i ulaziti u bilo kakve takve dogovore ili bilo kakve konsultacije ili kako god ko hoće da shvati na bilo kakav način iznuđivanje, eventualnog glasanja za ili protiv Budžeta itd. Nije to u mom maniru. Malo smatram zaista degutantno ovo što govorim, ali moram da kažem da je to to.

Što se tiče moje rasprave želio bih samo da odgovorim u okviru replike, a zbog javnosti ja se nadam da će neko drugi izaći i odgovoriti. Mislim da nije u redu da se kaže da penzioneri nemaju nikakvih sredstava iz Općine i općinskog Budžeta pomoći i to za neke najteže slučajeve. Evo ja sam upravo čitajući u „Službenim novinama Općine Maglaj“, Kriterije za dodjelu isplatu jednokratnih novčanih naknada za između ostalog baš upravo penzionere i vidio i primjetio da je i te kako širok raspon svih mogućnosti koji penzioneri Maglaja mogu preko nadležne službe, odnosno Općine da ostvare i realizuju i vjerujte da je to jedan od dokumenata koji je najfleksibilniji i čini mi se čak i previše fleksibilan kako da se uradi. Onoliko koliko ljudi znaju da imaju pravo članovi penzionera da imaju pravo za te naknade, za te pomoći. To nije samo pitanje i za Načelnika i za nadležnu službu, nego između ostalog i za Udruženje penzionera koliko educira svoje članove da mogu da odrade i upravo na ovim oblastima. Ja bih volio da izađe neko ko će odgovoriti možda i kvalitetnije i stručnije od mene.

Ja kad pročitam ovaj Izvještaj i Program rada OV i ja ću diskutovati o obe tačke, onda moram da kažem da sam djelimično zadovoljan onim što smo mi uradili 2018. godine i mislio sam danas da je prilika i da svi bez obzira koje političke boje ovdje prisutan pokušamo naći neke kreativne, neke realne prijedloge kako da unaprijedimo i poboljšamo rad ovog OV, a u mnogim segmentima zaista i šteda. Ono što treba napomenuti je činjenica da smo mi u 2018. godini rekorderi po broju usvojenih općinskih odluka, odluka OV i hoću da pobrojim samo neke od onih koje smo mi od 2018. godine, to je recimo Odluka o komunalnom redu, Odluka o komunalnim naknadama, Odluka o javnom redu, Odluka o javnim okupljanjima, mnoge odluke kad je u pitanju regulacioni plan itd. Zaista je veliki broj odluka koje su donesene, a da napomenom zbog javnosti odluka koje su davno trebale u nekim prethodnim periodima da budu donesene, da budu usaglašene sa novim zakonima itd. I te kako možemo biti zadovoljni onim što smo donijeli od tih odluka. Ne možemo biti zadovoljni onim što nas čeka kad je u pitanju rad Općinskog vijeća, jer kad bi i svaki dan sjedili čini mi se da bi u naredne dvije godine morali da donosimo sve one odluke ili izmjene odluka koje su usklađene sa zakonom da bismo stigli i došli u jedno nultu stanje kako bi mogli tek onda i da počnemo normalno da radimo. Treba to da se ima na umu da smo zaista rekorderi po broju donesenih odluka i između ostalog i mnogih važnih. Mi smo donijeli odluku, koliko god bilo polemika i Odluku o parking prostorima, Odluku o bezbjednosti saobraćaja itd. Sve je to u prošloj godini bilo doneseno i nemojte zaboraviti da je po svakoj od tih odluka obavezno bila organizovana javna rasprava, najmanje ovdje u ovoj Sali OV, a mnoge odluke su išle i u mjesne zajednice. Ono što je nama potrebno i što mi moramo stvoriti sebi obavezu, to je izvještavanje o realizaciji tih odluka koje smo donijeli. To periodično ili najmanje jednom godišnje izvještavanje ili informacija o tim djelatnostima koje smo mi uredili i uradili, treba da se nađe u Programu rada Općinskog vijeća da malo vidimo kako se realizuje, gdje su slabosti, gdje su fulovi, gdje su problemi, gdje su dobre stvari odluke recimo o komunalnom redu, da vidimo malo kako se ta odluka o bezbjednosti saobraćaja realizuje nakon šest ili osam mjeseci, kako je donesena ili da kažemo hajmo svake godine da to uradimo. Također je jako važno kad donosimo programe. Meni je žao što ću oduzeti malo više vremena, ali također moram da napomenem zbog građana da mnoge svake godine imamo sve više ovih godišnjih programa, poticajnih sredstava, uređenja puteva, ulične rasvjete itd. i to je za svaku pohvalu. Ja sam očekivao da ovdje vijećnici izađu i kažu zaista je to pohvalno, jer nikad ranije nismo imali, građani imaju mogućnost da prate, da učestvuju u tome, ali isto tako s druge strane nama trebaju izvještaji i o realizaciji tih programa. Bio sam na javnoj raspravi kad je u pitanju poticaji u poljoprivrednoj djelatnosti na općini Maglaj, sala je bila puna i svi su iznosili samo riječi pohvale na račun i rad Općine, općinske administracije pa i OV, ali ono što nama treba jeste i taj godišnji izvještaj o utrošku tih sredstava i ne samo tu, nego u svim oblastima koje su u našoj nadležnosti. Ja to predlažem da počnemo praktikovati.

Također želim nešto da sugerišem, tu je gospođa Alibajraktarević, mi ćemo i na ovoj sjednici Općinskog vijeća da imamo dvije tri tačke dnevnog reda u kojima je trebalo da se nađe ta tzv. Fiskalna procjena. To se nažalost ne praktikuje ovdje u Maglaju i ne znam jesmo li jedna od rijetkih općina koja to ne praktikuje, ali to moramo da radimo da učinimo da vijećnici, a samim tim i građani znaju bilo kakve pozitivne ili eventualno negativne efekte na Budžet Općine Maglaj kad se raspravlja i kad se donosi određena odluka. Primjera radi, danas ova Odluka o izmjenama Općinskih administrativnih taksi, mi nemamo te fiskalne procjene, ne znamo šta ako danas donesemo odluku da nešto umanjimo, da nešto povećamo itd. koji su procjenjeni finansijski efekti u narednoj godini donošenjem ili ne donošenjem takve odluke ili drugih odluka.

Također želim da predložim da se zaista ovdje napravi obaveza i da to više nema rasprave, a da se blagovremeno dostavljaju materijali, sazivaju sjednice. Kad kažem blagovremeno onda čini mi se da nema OV koje je ovako fleksibilan u kratkim rokovima kao što je Općinsko vijeće Maglaj. Dakle, to je tri dana od saziva do Kolegija i sedam dana od Kolegija do saziva sjednice OV. To je neki minimum deset dana i pitanje je da li mogu ova radna tijela u tako relativno kratkom roku gdje su i vikendi itd. pa i mnogi praznici da odgovore svojim obavezama. Ako bismo mi ovaj plan ozbiljno shvatili i pripremali blagovremeno i na vrijeme materijale, mislim da bi se tu podosta stvari uspjelo riješiti u hodu. Zbog toga ja još jednom insistiram da se blagovremeno dostavljaju materijali.

Ja sam ,a to čujem skoro na svakoj sjednici od kolega iz SDA, ja sam postavio niz vijećničkih pitanja i inicijativa i za najveći dio sam dobio odgovore. Međutim, dobar dio odgovora nisam dobio ni ja, niti bilo kakve rečenice o pokrenutoj inicijativi. Ja sam čak i povadio, a to bi bilo puno vremena samo ono u 2018. godini što sam postavio pitanja, pokrenuo inicijative, čak i one što su po zaključku OV prihvaćene kao inicijative, nema ih nigdje niti su planirane u 2019. godini. I stoga predlažem, da počnemo praksu koju već odavno imaju i državni i federalni parlament i kantonalna skupština, a to je da se svako vijećničko pitanje, svaka inicijativa objavljuju na web stranici zajedno sa odgovorom. Pogledajte i otvorite službene web stranice i vidjet ćete da ima kako ko kreativno pristupa tome od poslanika, a negdje ima zbornu kako su i postavljana pitanja i odgovori i inicijative i da se naravno ukoliko e to i realizuje, da se poštuje samo onaj princip zaštite tajnosti podataka, ono što zakon nalaže u tom smislu. Mislim da bismo i time učinili nešto dobro u našem radu, puno drugačije i puno bi ozbiljnije se pristupalo tim pitanjima i inicijativama, nego što pojedini organi, službe ili institucije do sad pristupaju.

I još jedan prijedlog postoji u ovim prijedlozima zaključaka da se izvrši modernizacija rada OV, jako je važno mnoge, Zavidovići, Žepče, Tešanj i svi su već prešli i na digitalna glasanja i na drugačiji pristup između ostalog i dobijanju materijala i obradi, pa bih i ja volio da i mi nešto učinimo po tom pitanju do kraja našeg mandata na toj modernizaciji rada OV i mislim da tu ne trebaju neka velika sredstva od 5-7 hiljad, a koji se blagovremenim planiranjem mogu i realizovati, a da se i nama i građanima olakša.

Vijećnica Svjetlana Zamboni, ja ću se kratko osvrnuti na sve iznesene sugestije, primjedbe na rad OV, obzirom da obnašam funkciju Predsjedavajuće, prije svega vezano za diskusiju gospodina Jašića, odnosno Klub SDA. I na kolegiju smo o tome govorili, možda OV nema veliki broj sjednica, ja bih na neki način to drugačije prikazala javnosti. Naime, nismo trošili previše budžetskog novca. Održali smo samo možda deset sjednica redovnih, ali smo donijeli dozvolite da i citiram iz ovog izvještaja da je OV u izvještajnom periodu usvojilo 127 zaključaka, donijelo 55 odluka, 11 u nacrtu, usvojeno je 5 rješenja, 18 izvještaja i 17 informacija. Usvojeno je 13 programa i planova rada, dvije strategije, a jedna u nacrtu. Naravno Budžet Općine Maglaj i sve ostalo. Postavljeno je ukupno 53 vijećnička pitanja uz inicijative, koje se u najkraćem roku odgovori dostavljaju vijećnicima. Ja mislim da smo mi bili vrlo rentabilni. Nema tog OV koje radi po 20-25 tački dnevnog reda. Sva OV u prosjeku imaju od 8 -10 tački dnevnog reda i mislim da nama to služi samo kao pohvala, da smo pokušali da budemo što rentabilniji, da su naše sjednice trajale jako dugo i da smo se zaista iscpirjivali u radu u ove prethodne dvije godine. To da nije realiziran Program rada OV u samom dokumentu Programa rada OV, uvijek se kaže da je Program rada OV okvirni dokument koji će trpiti izmjene i dopune i da ćemo se prilagođavati životnim pitanjima naših građana koji će nama biti od prioriteta. Ako neka odluka nije od životnog pitanja koja će regulisati život naših građana ne moramo je ni donijeti ove godine, ali ono što je ključno za naše građane i što uslovljava način i stil njihovog života mislim da predstavlja prioritet pa makar i nije u Planu i programu rada OV, on se stavlja na dnevni red i takve odluke se donose.

Što se tiče rada komisija OV oni se sazivaju po potrebi. Vidjeli ste da su komisije i odluke koje su se donosile, a ticale su se određenih Komisija da su se sastajale, sve su usvojile svoje Poslovnike da ima potrebe pretpostavljam da bi se i sazivali, da li su one u legalnom ili ne legalnom sazivu nemojte da ponovo otvaramo ta pitanja. Ja ću za slijedeću sjednicu pripremiti izjašnjenje nekih malo viših instanci po tom pitanju. Da li dobijamo redovno odgovore na postavljena pitanja? Ako su postavljena 52 pitanja zajedno sa inicijativama, ja ću vam sa sigurnošću reći da su vijećnici dobili 85 % odgovora što nije mali procenat odgovora. Ja pamtim i mnogo lošija vremena od ovog procenta. Nemojte da se podsjećamo i takvih vremena. Da se ne prihvataju mjere za poboljšanje rada OV , ne znam zašto onda i kritikujemo ako nećemo prihvatati i mjere poboljšanja, dakle i dopredsjedavajući je iznio nekoliko mjera koje mogu poboljšati rad OV. U potpunosti se slažem i prostora za takve stvari ima, ali također molim vijećnike da prilikom usvajanja Budžeta, ako se misli na potrošnju budžetskog novca, da se u samom planu Budžeta za narednu godinu vodi računa i o sredstvima koja će bit utrošena, a ne da mi predlažemo, a da onda kažemo nemamo stavke koja će opravdati utrošak tih sredstava.

O penzionerima neću, jer nije tačka dnevnog reda. Nadam se kao i dopredsjedavajući da će neko izaći i nešto kazati o tome koliko je sredstava izdvojeno za penzionere i na koji način se to radi.

Ono što bih ja htjela reći, jeste da smo mi po pitanju ovog OV transparentnost digli na najveći mogući nivo. Javne rasprave kojima sam ja prisustvovala kao vijećnica u prošlom sazivu nisu bile vrijedne spomena. Danas na javnim raspravama imate punu salu OV, gdje građani dolaze, iznose svoje sugestije, gdje se sugestije od naših građana uzimaju u obzir, uvažavaju i unose i prijedloge odluka koje mi donosimo. Ono što nama oni koji ocjenjuju rad ovog Vijeća, a nisu vijećnici kažu da je ta transparentnost dignuta na visoki nivo. Prijenos sjednica OV je redovan, više nema nagađanja hoće li ili neće biti prijenosa sjednica OV i svi građani imaju uvid u naš rad. I sam izvještaj o radu OV, tj. učešće vijećnika u diskusijama, podnošenje inicijativa i postavljanje vijećničkih pitanja našim građanima na određeni način našim građanima govori koliko smo mi kao vijećnici aktivni i koliko pridonosimo poboljšanju uslova života u našoj općini. Kada je u pitanju učinkovitost OV, uredili smo oblast koje 20 godina nisu bile uređene. Uredili smo propisima općinskim da svojim odlukama uredili smo i uskladili sa zakonom veliki dio svakodnevnog života naših građana, što je za svaku pohvalu, a i u prošlom sazivu smo insistirali na donošenju određenih odluka, nisu bile donesene za četiri te godine, a već za dvije godine u ovom sazivu donijeli smo veliki broj odluka koji je stajao tamo na čekanju sigurno i deset godina. Ono što bih ja predložila jeste da u narednom periodu pokušamo organizovati sjednice vijeća u nekih 20-25 dana. Mislim da bi to radu Općinskog vijeća dalo još jednu dinamiku i produktivnost. Svakako u skladu s tim i preporuka službama općinske administracije da materijali koji treba da budu dostavljeni za tačke dnevnog reda budu na vrijeme dostavljeni, a pozivam vijećnike da svako iz svoga domena, iz domena postavljenih vijećničkih pitanja na adresu OV dostavi sva vijećnička pitanja na koja nisu dobili odgovore, kako bismo mogli pripremiti taj pregled za jednu od narednih sjednica.

Vijećnik Safet Jašić, ja sam prozvan i Klub, pa moram nešto odgovoriti što se tiče diskusije predsjedavajuće. Nije nikom ni u Klubu SDA niti ikome stalo za tih 100,00 KM koje mi ovdje danas zaradimo, jer to nisu nikakva sredstva da bi se uštedilo na ovome. Znači iz tog razloga Klub SDA nije iznio primjedbe kad je u pitanju broj održanih sjednica, a to ste tako rekli. Ja smatram da svi vijećnici ovdje isto misle i da su naše naknade mizerne i da mi niko ne patimo od toga. To ne stoji. Ne mogu sve kako vrijeme prolazi mislim da ćete ostaviti priče unazad, ko gleda unazad ne ide unaprijed, to je moje mišljenje i ta izreka je sigurno na mjestu. Ako se nešto ne uradi, nisam uradio i završena priča. I ta diskusija ne stoji. Nisam mislio čitati, a Službu ću zamoliti da uporedi do slijedeće sjednice kako su radile komisije koje su doživjele toliko kritika u proteklom sazivu, a pročitati ću sad nije niko čito, ja ću pročitati koliko su se sastajale u protekloj godini. Komisije koje smo mi rekli, jesul legalne ili ne legalne o tom potom. Komisija za statutarna pitanja, poslovnik i propise, ne mogu da vjerujem da nije mogla se ni jedanput sastati, Komisija za zaštitu ljudskih prava, predstave i pritužbe građana, ni jedna, a bilo je potrebe. Komisija za privredu, prostorno uređenje, urbanizam, zaštitu okoliša, četiri sjednice sasvim malo. Komisija za poljoprivredu, vodoprivredu i šumarstvo jedna komisija, jedna sjednica, malo premalo. Komisija za društvene odnose, odnose sa vjerskim zajednicama, boračko-invalidska i socijalna pitanja jedna sjednica. Veoma bitne komisije i teme o kojima se može govoriti. Komisija za obrazovanje, nauku, kulturu i sport, tri sjednice. Komisija za pitanje mladih, ravnopravnost spolova, jedna sjednica. Toliko smo uključili mlade u rad komisija. Etička komisija časti, ni jedna sjednica. Komisija za zaštitu kulturno historijskog i privrednog naslijeđa i turizma, ni jedna sjednica. Komisija za obilježavanje značajnih događaja i ličnosti iz historije Maglaja, dvije sjednice. Komisija za dodjelu javnih priznanja, jedina u dovoljnom broju vjerovatno nije imala više ni potrebe i ona je održala tri sjednice. Drugostepena komisija ni jedna sjednica. Hajmo se zapitati da li nam trebaju uopšte komisije. Finansijska situacija ni tako teška da se nisu mogle sastajati, ja smatram da trebaju komisije, ali komisije trebaju da rade.

Sad ću se ja vratiti prvi put unazad, gomila kritika je bila na one prošle komisije koje su postojale i imali su veći broj sjednica. Uporedite pa ćete vidjeti da su imale veći broj sjednica.

Vijećnica Svjetlana Zamboni, Ono što nisam rekla, a diskusija gospodina Jašića me povukla da moram kazati. Možda nije bilo sastanaka Komisija, svi članovi komisija pozvani su za javne rasprave za slijedeću sjednicu. Svakako ću pribaviti i taj podatak koliko je javnih rasprava održano i koliko su članovi tih komisija bez naknade učestvovali u javnim raspravama, te davali svoja mišljenja. Mislim da je to mnogo produktivnije kad sjede s našim građanima, nego sami izdvojeni u kancelariji Općine.

Vijećnica Šefka Hasanić, ja ću se samo osvrnuti na jednu rečenicu koju je iznijela Predsjedavajuća u svojoj diskusiji, a odnosi se na broj sjednica Vijeća i razmak između dvije sjednice da se smanji na period od 25 dana. S obzirom da većina vijećnika je zaposlena u budžetskim institucijama, ima vijećnika koji rade u javnom sektoru i predlažem da sjednice Vijeća budu ili subotom ili u popodnevnom danima, iz razloga ako izračunate 20, 25 dana to je sigurno nekih radnih 20 dana, u suštini mi moramo izostajati s posla mjesec dana. Niti imamo godišnjeg odmora, niti prilike da takve stvari realizujemo. To se odnosi pogotovo na vijećnike koji su zaposleni u budžetskim institucijama, koji su daleko više odgovorni prema javnom sektoru, prema građanima, to je previše dana da se izostaje s posla radi sjednica, koje mogu biti u poslijepodnevnom danima ili subotom.

Vijećnik Bešić Mustafa, Izvještaj o radu OV, mi ćemo podržati naš Klub. Činjenica je da može bolje i da treba bolje. Ja sam bio i u prošlom sazivu Vijeća gdje smo imali, što se tiče ovih komisija, imali smo po jednu otprilike godišnje, tako da je to otprilike tu negdje, što se tiče komisija.

Ono što mene više zanima ovdje, rad pojedinaca svih nas. Imamo ovdje naše kolege, prethodno su iznijele, ali nisu iznijele zalaganje vijećnika. Mi ovdje dođemo i želimo da upoznamo javnost da ova sjednica košta Budžet Općine pojedinačno po 100,00 KM. Uzimamo svaki, a koliko mi privredimo u tih 100,00 KM? Koliko se zalažemo? Samo da iznesem neke informacije, neću imenovati. Kolegica je iznijela 53 vijećnička pitanja smo imali u prošloj godini. Imali smo, ali koliko je vijećnika učestvovalo u tome i u vijećničkim inicijativama. Sedam vijećnika nikako u protekloj godini nije postavilo ni jedno vijećničko pitanje, četiri vijećnika postavila samo jedno pitanje, tri vijećnika postavilo dva itd. Mislim da nije u redu prema građanima koji su nas birali da mi ovdje sjedimo, diramo telefone, kunjamo, spavamo, a uzimamo 100,00 KM, a tamo jedan radnik tri-četiri dana treba raditi za 100,00 KM. Trebamo se zapitati jesmo li mi spremni da radimo u interesu općine.

Što se tiče ovih drugih stvari, učešće u sjednicama isto jako malo, na dušu svih nas vijećnika pa se zapitajte je li u redu da uzmemo te pare.

Načelnik općine Mirsad Mahmutagić, zahvaljujem se svima na komentarima koji su izneseni, vrlo uska je saradnja između općinske administracije i OV. Ja moram reći da ima komentara koje treba uvažiti, unaprijediti rad OV i stalno se trudimo da unaprijedimo rad općinske administracije i vidjeli ste ko je pratio u Budžetu vidjeli ste da smo predvidjeli 50.000,00 KM za digitalizaciju Općinske administracije. To ćemo vjerovatno dio preusmjeriti na održavanje sjednica OV. Ja želim reći da ovo vijeće je preuzelo potpuno neuređenu podzakonsku regulativu u Općini Maglaj i to možete vidjeti ukoliko želite dobronamjerno da analizirate rad vas vijećnika ovog vijeća. Neke od tih dokumenata smo donosili jednoglasno, analizirajte pa ćete vidjeti koliko ste donijeli odluka a koje su trebale biti prije 7,8,10 ili više godina usvojene, ali se to nije radilo. Dobili ste potpuno neuređenu regulativu. Ovo vijeće neće uspjeti završiti sve te obaveze do kraja mandata, toliko je neuređeno, toliko se nije radilo.

Kad je u pitanju broj sjednica, prosjek sjednica je bio prije 9 sjednica godišnje maksimalno. 35,36 sjednica u jednom mandatu. Prema tome, ovih 10 sjednica je pokazatelj da se podigao i broj sjednica. Ukoliko je to pojedincima stalo do 100,00 KM stavit ćemo ih svakih 20 dana, ali se slažem sa Bešićem, dajte da se uključite intenzivnije u rad vijeća. Ukoliko ste nekad nešto i tražili pa niste dobili, javite se i dođite u službu. Nije općinski vijećnik samo vijećnik na sjednicama, općinski vijećnik je 24 sata i 365 dana. Dakle, treba se s te strane uozbiljiti. Ja ovom vijeću čestitam na postignutim rezultatima u dosadašnjem dijelu mandata. Čestitam na rezultatima iz prošle godine. Treba pročitati odluke, rješenja, izmjene, dopune itd. broj javnih rasprava. Pogledati da se ipak podigla i posjećenost na javnim raspravama zbog transparentnosti rada itd.

Što se tiče odgovora na vijećnička pitanja, ko nije dobio neka se javi u službu, dobit će, nema potrebe, ne radi se ništa tajno unutar općinske administracije, svi su dokumenti javni i koga šta interesuje može i da dobije. Ja jesam imao konstataciju kao vijećnik tri mandata, nisam dobio ni 10% odgovora na postavljena pitanja.

Kada je u pitanju vijećnik Buljubašić, koji je iznio ovdje određene konstatacije to nije tačka dnevnog reda danas, ali ja ću zbog svih ovih priča koje su se iznijele ovdje i koje se iznose po kojekakvim sijelima i prelima i da dovršim dio priče dopredsjedavajućeg koju je iznio. Dakle vi ste sa mnom razgovorali na prijedlog gospodina Buljubašića, trgovina, mene ne interesuje trgovina, on bio podržao Budžet a da mu se da u Udruženje. Dakle, ja sam rekao da mi ta dva prsta ne trebaju. To je jasno.

Što se tiče neistine da penzioneri nisu dobili, istina će doći na slijedeću sjednicu vijeća, imat ćete Izvještaj o izvršenju Budžeta i sve će vam se kazati. U tom Izvještaju o izvršenju Budžeta imate i za prethodne dvije godine, a možete dobiti informacije i za one dvije godine prije, pa ćete vidjeti da je sa nula KM izvršenje 15.000,00 KM, u potpunosti ono što je penzionerima planirano u potpunosti je i izvršeno. Dalje možete vidjeti javno prezentirane kriterije za dodjelu sredstava penzionerima. Nikakve tajne, ono što se neće dozvoliti, dakle nećemo mi prebaciti udruženju novac pa da neko tamo pakete kupuje vrijednosti 12 a tretira ih 24 itd. možete vijećniče Buljubašiću, pomenuli ste ovu temu nekoliko puta ovdje i svaki puta sam vam dao odgovor. Pronađite u vašem materijalu svaki put sam vam odgovorio da možete kao predsjednik Udruženja se obratiti resornoj službi u ime određenih penzionera i resorna služba će razmotriti prijedlog i pomoći. Vi to do sada niste ni jednom učinili. To je do vas, to nije do službe, niti do Načelnika.

Zbog javnosti, zbog penzionera, oni moraju znati da se niste javili ni ove godine na javni poziv za sredstva udruženjima, iako ste uredno pozivani i telefonom. Gospođica Eldina Mehinagić vas je kontaktirala i da ćemo vam pomoći napraviti projekat i sve, jer idemo javno i transparentno. Putem projekata dobijate novac. Dakle, niste se pojavili. Evo vam još jedna transparentnost, koliko god vi imali tih stranačkih ili ne znam kakvih ambicija prema meni, vas će Načelnik primiti kao vijećnika i kao predsjednika Udruženja kad god hoćete, dođite sa idejom, sa prijedlogom, imat ćete resornu službu na raspolaganju i rješavat ćemo probleme zajedno. Ali da očekujete da će vam neko prebaciti novac nakon svega kako je već teklo, ne nego potpuno javno, potpuno transparentno i znate da je i ove godine na zahtjev i pojedinih vijećnika, ali i na moju želju ubačeno da sav novac civilnim i vojnim udruženjima, boračkim udruženjima, sportskim ide putem projekata. Oformljene komisije, komisije koje zasjedaju, koje su donijele kriterije, koje prave prijedloge i sve funkcioniše.

Nemam potrebe više elaborirati, ali kad bude Izvještaj o izvršenju Budžeta imat ćete priliku da vidite ko ovdje govori istinu, a ko ne govori.

Vijećnik Mustafa Buljubašić, replika ja ovdje nisam govorio za 2017. nego za 2018. godinu i od predviđenih 15.000 KM, u Izvještaju o Budžetu stoji da je isplaćeno po tom osnovu 1250,00 KM. Mi nismo dobili dinara i ako

će općinska služba, ona treba da dobije odgovore svakog udruženja koje dobiva pare iz Budžeta i pravdanje i da provjeri to, naravno mi od toga nikad nismo bježali i ne možete reći da ne radimo kako treba. Za sve postoje računi i sve je uredno i uvijek primamo. Neka dođe u kontrolu bilo ko, pa makar i nemo pravo da kontroliše nevladino udruženje, ja ću iznijeti papire koji imaju. O tome se mora govoriti istina. Paketi se ne daju svakome, niti ja to dijelim, mi imamo u 16 MZ 16 povjereništava i na prijedlog povjereništava se to daje. A ko govori istinu ili ne govori, i u Općini je sada zaposleno 100 primjera radi, ja ne znam koliko je, trebalo bi 200 pa da se kontrolišu sve MZ, jer onda ne trebaju ni povjerenici MZ, ne trebaju ni predstavnici Udruženja itd. Ne trebamo to miješati, jer miješati neke stvari znači oduzimaju se ovlasti i samim penzionerima i članovima drugih udruženja. Mi iz Budžeta države i federacije ne dobijamo ništa, mi dobijamo i tražimo ono što se usvoji na Budžetu. Ja ovdje javno tražim da se pomogne penzionerima, jer ta situacija je katastrofalna. Sve što se dadne i kome se isplati dobit ćete napisмено i dobili ste i do sad. Imenom, prezimenom, brojem čeka broj LK i šta tu ima sad nejasno. Ne može se braniti na takav način.

Načelnik općine, hoću samo da kažem da ove neistine, to više ja ne znam o kojem Izvršenju Budžeta vi vijećniče pričate. Izvještaj o izvršenju Budžeta ćete imati na narednoj sjednici Vijeća. Koji ste vi izvještaj vidjeli, pa nemate pojma niste vidjeli nikakav izvještaj, o čemu pričate. Vi pričate o izvršenju. Za izvršenje za prva tri mjeseca 2018. godine tačno 1250,00 KM, ali kao vijećnik u tri mandata, toliko ste trebali naučiti da je fiskalna godina do 31.01. naredne godine, prema tome i ovog januara je dio sredstava penzionerima isplaćivan u januaru i nastavak od 01.02. ono što ulazi u 2019. godinu. I ovog marta, kada budete imali izvještaj za tri mjeseca, bit će manji procenat od kvartalnog procenta, to je nešto što funkcioniše. Ovo je potpuna neistina, niste vidjeli izvještaj o izvršenju Budžeta koji će doći na iduću sjednicu, niti je to taj iznos. Nemojte da za ovom govornicom takve stvari iznosite, to nema veze ni sa zdravim razumom, ni sa čim.

Druga stvar, opet vam ponavljam, nećete dobiti novac da arčite kako hoćete, ima komisija, obratite se službi, dajte prijedlog i svi penzioneri koje zastupate pomoći će se i njima, a vjerujte da se penzionerima koji nisu u Udruženju pomaže kroz resornu službu. Obratite se službi i rješavajte problem. Sve dok se budete igrali politike i tako radili, to će vas gristi, mene neće, ja ću penzionerima pomagati kako i pomažem, a iduće sjednice ćete imati Izvještaj o izvršenju Budžeta, pa se onda ovdje stidite i crvenite za ovom govornicom šta ste izgovarali.

Predsjedavajuća, ja bih zaključila raspravu jer mi diskutujemo o nečemu što uopšte nije tačka dnevnog reda. Molim vas ugasite snimanje, ovo ne ide u zapisnik.

Tehnička pauza 5 minuta.

Pauza za Klub SDA

Predsjedavajuća, zaključujem raspravu po ovoj tački dnevnog reda. Imate li vi šta iznijeti nakon pauze? Samo vas molim da se pridržavamo tačke dnevnog reda tj. Izvještaj o radu OV za 2018. godinu.

Vijećnik Safet Jašić, što se tiče Kluba, mi smo koristili pravo na pauzu i donijeli smo određene zaključke po ovome što se dogodilo, po ovoj prethodnoj tački.

Smatramo da ovo ne treba nikome, ne treba voditi dijalog ovdje i ne treba nikoga oštetiti u njegovom pravu kad su u pitanju stavovi itd. Klub vijećnika SDA na ovoj pauzi je donio četiri zaključka:

1. Osuđuje se ponašanje Predsjedavajuće OV u smislu oduzimanja prava na ispravku krivog navoda gospodinu Mustafi Buljubašiću i tako i svakom drugom vijećniku u OV Maglaj i sada i ubuduće.
2. Pozivamo predstavnika Službe OV da nam protumači Poslovnik o radu OV, odnosno član 25. kada je u pitanju odnos Predsjedavajuće OV.
3. U potpunosti podržavamo predsjednika Udruženja penzionera za borbu i bolje uslove za život svakog penzionera na cijeloj teritoriji Općine Maglaj.
4. Član 61. Stav 2. Poslovnika o radu OV kaže: Odluku o isključenju javnosti sjednice Općinskog vijeća donosi Vijeće, a ne bilo koji pojedinac. Ono što ste malo prije rekli da se isključe kamere, kad je gospodin Buljubašić išao za govornicu, rekli ste da se isključe. O tome vi ne možete donijeti odluku, nego donosi OV.

Molim predstavnika Službe da nam pročita član 61. Stav 2. Iz Poslovnika o radu OV.

Predsjedavajuća, niko nije isključen, nego je vijećniku oduzeta riječ, samim tim taj dio navoda ne ulazi u zapisnik, to je sve što se desilo ako ste pratili pažljivo.

Emina Hasanić, član 25. Poslovnika o radu glasi:

(Dužnost predsjedavajućeg OV)

(1) Predsjedavajući OV ima pravo i dužnost da:

- a) predstavlja OV;
- b) učestvuje u pripremama, saziva i vodi sjednice OV;
- c) učestvuje u pripremama, saziva i vodi sjednice Kolegija OV;
- d) inicira stavljanje na dnevni red sjednica OV, Kolegija OV i radnih tijela pitanja iz nadležnosti OV;
- e) osigurava poštivanje načela i odredbi ovog Poslovnika, kao i poslovnika radnih tijela OV i Kolegija OV;

- f) osigurava realizovanje prava i dužnosti klubova vijećnika tokom pripreme i održavanja sjednica OV i Kolegija OV;
- g) osigurava realizovanje prava i dužnosti vijećnika u pripremi sjednica OV i Kolegija OV, kao i tokom sjednica;
- h) vodi sjednice u skladu sa principima najboljih praksi demokratskog parlamentarizma i odredbama ovog Poslovnika;
- i) osigurava saradnju OV i općinskog načelnika, te osigurava i prati realizaciju odluka i zaključaka OV;
- j) radi na ostvarivanju saradnje sa OV drugih općina, te drugim organima i organizacijama;
- k) potpisuje akta usvojena od OV; i
- l) vrši druge poslove utvrđene zakonom, Statutom i ovim Poslovníkom.

Predsjedavajuća, pozivam se na član 75. Poslovnika o radu (Održavanje reda za vrijeme sjednice)

(1) Red na sjednicama održava predsjedavajući OV.

(2) Za povredu reda na sjednici smatra se:

- a) ne pridržavanje odredbi Poslovnika;
- b) nekorektno i nedolično ponašanje prema učesnicima i prisutnima na sjednici; i
- c) ometanje normalnog rada na sjednici.

(3) Za povredu reda na sjednici predsjedavajući može opomenuti vijećnika, oduzeti mu riječ, a ukoliko ovaj nastavi sa povredom reda, može ga udaljiti sa sjednice.

Pozivajući se na ovaj član, želim se samo izjasniti da je diskusija izašla izvan tačke dnevnog reda, a to je Izvještaj o radu OV za 2018. godinu. Diskusija je prerasla u diskusiju o Izvještaj o izvršenju Budžeta za 2018. godinu, koja će se naći na dnevnom redu na narednoj sjednici OV.

Zaključujem raspravu po ovoj tački dnevnog reda i predložila bih slijedeće prijedloge zaključaka. Određeni klubovi su se izjasnili već o svom stavu po izjašnjenju vezano za ovaj izvještaj, gospodin Jurišić je čak iznio stav i po narednoj tački dnevnog reda, te ćemo i to uzeti u obzir u okviru diskusije po drugoj tački dnevnog reda. Neki su već rekli, da li će ili ne podržati ovaj izvještaj, a ja bih sada u skladu sa materijalom koji vam je dostavljen iznijela prijedloge mjera za poboljšanje Općinskog vijeća koje imate na stranici 15. Obzirom da smo izgubili jako mnogo vremena u ovim diskusijama, da sad ne čitam, ali sve predložene mjere u okviru ovog četvrtog stava u Izvještaju i sugerisala bih da sve prijedloge i sugestije koje su iznesene u okviru diskusija u okviru ove tačke dnevnog reda, da se sumiraju, da služba sumira za narednu sjednicu Kolegija na kojem će se Kolegij izjasniti o svim iznesenim sugestijama i prijedlozima, a svoje prijedloge zaključaka dostaviti na jednu od narednih sjednica OV. Na taj način sve iznesene diskusije bile bi uzete u obzir i stavljene na papir, a na Kolegiju da se izjašnjavamo kao o materijalu za OV.

Gospođa Hasanić sugerise da se sjednice održavaju u popodnevним satima radnim danima ili u toku vikenda.

Vijećnica insistira da se o ovom prijedlogu izjasnimo odmah. Ko je za ovakav prijedlog?

Glasalo 10 glasova za: Adis Abdurahmanović, Nedžad Alispahić, Edib Delić, Mirsad Bejzić, Safet Jašić, Edina Jašić, Hasanić Šefka, Dženita Smajlović, Ermina Muminović, (SDA), Mustafa Buljubašić (samostalni vijećnik) .

Glasalo 12 glasova protiv : Svjetlana Zamboni, Nedžad , Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 2 uzdržana glasa: Josip Jurišić (HDZ), Hajrudin Ferić (DF).

Prijedlog vijećnice Šefke Hasanić nije dobio potrebnu većinu.

Ja i dalje ostajem pri prijedlogu da sve prijedloge i sugestije sumiramo, iznesemo na Kolegiju, uvažavajući i prijedlog gospođe Hasanić da i on bude iako već sada nije dobio potrebnu većinu. Predlažem na glasanje

Z A K L J U Č A K

1.1. Usvaja se Izvještaj o radu Općinskog vijeća Maglaj za 2018. godinu sa predloženim mjerama unapređenja rada iz poglavlja 4. Izvještaja.

1.2. Sve prijedloge i sugestije iznesene u okviru diskusija sumirati za narednu sjednicu Kolegija o kojem će se isti izjasniti i svoje prijedloge zaključaka prezentovati na jednoj od narednih sjednica Općinskog vijeća.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ).

Glasalo 10 glasova protiv: Adis Abdurahmanović, Nedžad Alispahić, Edib Delić, Mirsad Bejzić, Safet Jašić, Edina Jašić, Hasanić Šefka, Dženita Smajlović, Ermina Muminović(SDA), Mustafa Buljubašić (samostalni vijećnik) .

AD – 2 Prijedlog Programa rada OV za 2019. godinu;

Emina Hasanić, na prošloj sjednici Općinskog vijeća Program rada Općinskog vijeća za 2019.godinu je išao u nacrtu, te je predloženo da se ponovo dostavi Dopis svim rukovodiocima općinskih službi, javnim ustanovama i javnim preduzećima, svim političkim strankama koje participiraju u radu Općinskog vijeća. Nije se održala klasična javna rasprava, nego se ostavio period za dostavljanje prijedloga, primjedbi, sugestija u roku od 10 dana. U dostavljenom materijalu imate prijedloge dostavljene od strane Općinske organizacije SDA, JU „Prva osnovna škola Maglaj“ i Općinske organizacije DF Maglaj.

Neki prijedlozi su uvršteni u Program rada OV, neki su u nadležnosti Načelnika općine i kao takvi predviđeni za realizaciju, a neki se pokušavaju godinama ne samo uraditi, nego započeti, ali su na količinu novčanih sredstava koje treba izdvojiti neizvodljivi, tako da obzirom na usvojeni budžet ne vrijedi ni pokušavati uvrstiti. Uglavnom, ovim putem se zahvaljujem svim učesnicima koji su dostavili svoje prijedloge, a još uvijek postoji mogućnost u toku godine, ukoliko se stvore uvjeti za pokretanje bilo koje vrste aktivnosti, a prvobitno omogućiti sredstva za realizaciju istih, da se nađu na dnevnom redu sjednice Općinskog vijeća. Program rada nije zakovan, mora da se odradi svaka tačka dnevnog reda u odnosu na ostale. Za sve za što se u toku godine omogućuje sredstva kroz projekte, bit će realizovano, tako da vi imate mogućnosti da u toku godine dostavite opet svoje prijedloge, sugestije i primjedbe.

Predsjedavajuća, kao i uvijek svake godine kažemo da je Program rada okvirni dokument koji podliježe izmjenama u toku godine, gdje se daje prioritet donošenju određenih odluka, prijedloga zaključaka, bez obzira da li je planiran ili nije planiran. Prilagođavamo se životu općine i egzistencijalnim pitanjima za naše građane.

Otvaram raspravu

Vijećnik Adis Abdurahmanović, Klub vijećnika SDA ne prihvata Program rada OV za 2019.godinu, jer primjedbe i sugestije koje smo dostavili Službi OV, a koje su od vitalnog značaja za život građana općine Maglaj, nisu uzete u razmatranje i uvrštene u Program rada OV za 2019. godinu.

Ja ću sada pročitati prijedloge koje je SDA dostavila, mada mi je iz službe na određeni način jednim dijelom i odgovoreno zašto nisu ušle u program rada. Prijedlozi koje je dostavio Klub SDA su:

- Informacija o nastavku izgradnje i rekonstrukcije saobraćajnice u Ulici Srebreničkih žrtava rata;
- Tematska sjednica Rješavanje problema gradskog grijanja;
- Tematska sjednica: Rješavanje problema snabdijevanja građana općine Maglaj električnom energijom;
- Izvještaj o radu Mjesnih zajednica za 2018 i Program rada Mjesnih zajednica za 2019.godinu;
- Tematska sjednica: Rješavanje problema klizišta i njihova sanacija po utvrđenim prioritetima;
- Plan aktivnosti na otklanjanju uzroka poplava od bujičastih rijeka i sanacija riječnih korita;
- Izmjena i dopuna Odluke o javnom redu i miru (član 10. u važećoj Odluci ne postoji itd...);
- Izgradnja sportskog kompleksa sa bazenima, teniskim terenom i drugim sadržajima;
- Rješavanje problema izlaska iz centra grada u slučaju poplava i izlaska iz grada građana, vozila itd.;
- Rješavanje semaforizacije raskrsnica u Viteškoj ulici.

Vijećnik Hajrudin Ferić, Želim samo da još jedanput napomenem da sva ona diskusija koju sam vodio odnosi se i na Program, pa da se takvi i prijedlozi zaključaka i moja diskusija tretiraju i po ovoj tački. Usput, samo da prokomentarišem ove prijedloge. Mislim da dobar dio ovog materijala, što direktno ili indirektno jeste već u proceduri predviđen, ukoliko bude realizovan, može se po svim ovim tačkama i razgovarati.

Predsjedavajuća, samo da sugerišem da trebamo koristiti svoja prava za vijećničke inicijative i vijećnička pitanja, koja u proceduru stavljaju dosta stvari koje ste vi u svemu tome i predložili. Igrom slučaja znam da se već puno tih stvari rješava i da je Načelnik poduzeo korake i zamolila bih ga da u okviru svog Brifinga obrati pažnju i na pitanja o kojima ste govorili.

Vijećnica Šefka Hasanić, replika na vašu sugestiju da putem vijećničkih inicijativa pokušamo riješiti probleme koje smo predložili putem dopisa kojeg smo poslali za prijedloge za Program rada OV. Naime, prvi prijedlog Informacija o nastavku izgradnje i rekonstrukcije saobraćajnice u Ulici Srebreničkih žrtava rata, kao vijećničko pitanje i inicijativu najmanje sam četiri puta postavila za ovom govornicom. Znači, niste je uvrstili ni sad u rad OV, nisam nikad do sad u prethodnih 8 mjeseci, nisam dobila odgovor na to pitanje.

Predsjedavajuća, uzimajući u obzir iznesene sugestije, možemo i o tome na Kolegiju, kad budemo govorili o sugestijama za Izvještaj pa o istom se dogovorili na Kolegiju i dostaviti na jednu od narednih sjednica OV. Ko je za?

ZAKLJUČAK

2.1. Usvaja se Program rada Općinskog vijeća Maglaj za 2019. godinu, uz iznesene sugestije.

2.2. Sve prijedloge i sugestije iznesene u okviru diskusija sumirati za narednu sjednicu Kolegija o kojem će se isti izjasniti i svoje prijedloge zaključaka prezentovati na jednoj od narednih sjednica Općinskog vijeća.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova uzdržanih: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Safet Jašić, Edina Jašić, Dženita Smajlović, Ermina Muminović, (SDA) i Mustafa Buljubašić (samostalni vijećnik).

AD - 3 Prijedlog Odluke o izmjeni i dopuni Odluke o općinskim administrativnim taksama i tarifi općinskih taksi;

Eldina Mehinagić, Odluka o izmjeni i dopuni Odluke o općinskim administrativnim taksama i tarifi općinskih taksi vam je dostavljena u vidu prijedloga. Mi smo imali obavezu da u roku od 30 dana organizujemo javnu raspravu, da nam se dostave prijedlozi, sugestije, mišljenja. Nastojali smo koliko god smo bili u mogućnosti da vam damo detaljna obrazloženja za svaku izmjenu koja je bila. Mi smo obavili sve što je po procedurama i zakonu trebalo da se uradi. Danas smo došli do ovog materijala, nadam se da će zadovoljiti one potrebe koje treba da zadovolji. Ja imam obavezu da vas upoznam o još dvije stvari.

Jedna je da na neki način da se izvinim i zbog tehničkih grešaka koje su se pojavile u ovoj Odluci. One su nastale isključivo zbog toga što mi kad radimo na našim računarima, imamo različite operativne sisteme, pa kada šaljemo jedni drugima mailom, to se nekako pogrumeta. Lako je to kontrolisati kad je jedan ili dva akta u pitanju, ali kad imate malo više akata desilo se to. Mi ćemo svakako kada ovo bude usvojeno obratiti pažnju na to i prilikom objavljivanja u „Službenim novinama“ i ubuduće obratiti pažnju za dalje.

Obavili smo sve što smo trebali da odradimo, a prije dva dana ja i matičari iz Službe smo razgovarali i dobili smo neke prijedloge, ako nije problem, ja bih vas zamolila da na osnovu ovog prijedloga Odluke koji ste dobili dala bih još jedan prijedlog vezano za izmjenu. To je u tarifnom broju 17. tačka 1. stoji „za ovjere punomoći za upravljanje putničkim vozilima 20,00 KM. Mi smo mislili da ovdje treba da stoji samo za ovjeru punomoći, jer punomoć je punomoć za bilo šta da je dajete i da ostane u vrijednosti od 5,00 KM, jer ako bi kod nas ostalo 20,00, kod notara je 5,00 KM i svi bi išli kod notara da to rade, neće niko dolaziti u Općinu, pa da i mi ostavimo 5,00 KM kako i jeste. Imamo kod tarifnog broja 18. tačka 4. potvrde o životu za ostvarivanje statusnih prava. Obzirom da ove zahtjeve podnose kategorije koje su malo više ugrožene u odnosu na sve ostale, mislimo da bi trebalo da za BiH stoji taksa 5,00 KM, a za inostranstvo da stoji 10,00 KM. S tim da znate da postoje tu olakšice kod oslobađanja i svega ostalog. Imate kod tarifnog broja 18. tačka 8. za zaključivanje braka u toku radnog vremena u zgradi Općine 25,00 KM, da se briše u toku radnog vremena za strance (sklapanje braka je isto bilo stranci ili domaći), da se briše. U toku neradnog vremena u zgradi Općine 50,00 KM, u toku radnog vremena van zgrade Općine 100,00 KM, u toku neradnog vremena van zgrade Općine 150,00 KM, i zaključivanje braka preko punomoćnika 100,00 KM. Mi smo gledali i sa ovim taksama koje smo mi predložili ispadamo najjeftiniji u krugu. Ako treba ja ću i ponoviti da ne bi bilo nekog nesporazuma.

Otvaram raspravu

Vijećnik Firuz Galijašević, Klub SDP-a će podržati Odluku o općinskim administrativnim taksama i tarifi općinskih administrativnih taksa, uz sve ove izmjene koje je iznijela gospođica Eldina.

Pauza za Klub SDA

Vijećnica Šefka Hasanić, kad smo već kod tarifnog broja 18. Klub vijećnika SDA predlaže da se doda još jedna stavka koja će glasniti, vjenčanje na Dan općine da bude besplatno. Da krenemo u organizaciju kolektivnih vjenčanja, da li će to biti promocija na gradini ili na nekom od naših parkova.

Vijećnik Hajrudin Ferić, ja bih imao dva-tri pitanja i molio bih odgovor, prije nego što se izjasnimo.

Prvo pitanje prenosim stav i OODF koji je raspravljao o ovome i dao mi neke instrukcije. Prvo pitanje se odnosi na taksene markice. I u ovoj odluci stoji da postoje taksene markice. Međutim, ja sam čuo da se one ne praktikuju da ih praktično nema. Zašto je postavljeno to pitanje, zato što svi oni koji vade administrativne takse, moraju da idu u komercijalne banke i bez obzira na iznos moraju da plaćaju to virmanom koji je najmanje 3,5 KM, a mi imamo informaciju, podatke da u Općini Zavidovići, općinske administrativne takse već odavno funkcionišu bez ikakvih problema, imaju distributivna mjesta za kupovinu i to se samim tim pomaže ogromnom broju naših sugrađana da se ne izlažu bespotrebnim troškovima ako ne moraju, a imamo to i praktično obavezu da te taksene markice distribuiramo da ih imamo.

Drugo pitanje jeste opet ono što sam pomenuo kad sam govorio u izvještaju i programu. Volio bih da čujem i kakva je fiskalna procjena donošenjem ove odluke o administrativnim taksama u odnosu na planirani budžet i sve ovo što je predloženo u odluci i sve ovo što će eventualno biti usvojeno ili ne. Smatram da bi puno nama bilo jasnije sve to.

Treća stvar koju želim ovdje da postavim kao pitanje, kao problem, kao dilemu koja se javila je činjenica da su oslobođeni od plaćanja mnoge kategorije u članu 8. , ali ko je oslobođen, recimo dobitnici najviših ratnih priznanja i postavljam sebi tu dilemu socijalne pravde. Dobitnici najviših ratnih priznanja su i zlatni ljičani koji mnogi zaista imaju izvanredan status, radno mjesto, funkciju itd. i on je oslobođen tih plaćanja 20,30 KM, dok u isto vrijeme RVI koji se prijavio za neku obrtničku djelatnost koji radi sam izdržava porodicu , kroz auto praonicu ili neku drugu djelatnost mora da plaća pune cijene, a interesantno član RVI je oslobođen od plaćanja takse, ali ovakva kategorija nema ni beneficije nikakve. Govorimo o tome i predlažem da se i RVI pa čak i demobilisani borci koji su prijavljeni na obrtu, koji su samozaposleni, znači u porodici samo ta osoba radi ovu obrtničku djelatnost da bude beneficirana, odnosno da bude oslobođena. To su neke dileme socijalne pravde, jer mi kad oslobađamo neke kategorije uvijek imamo na umu tu socijalnu kategoriju. Obično zanemarimo nekog ko se bori u životu, ko ostvaruje .

Četvrta stvar koju želim da ovdje nametnem kao dilemu i pitanje o kojima možemo i danas da osiguramo je tarifni broj 6. administrativne takse kod pokretanja određenih zanatskih, uslužnih i drugih obrtničkih djelatnosti, gdje su te cijene 150,00 KM, 200,00 KM, kod pokretanja te djelatnosti i gdje sam ja uporedio kad otvarate d.o.o., kad otvarate firmu sa početnim kapitalom, vama je početni kapital 1.000 KM, a ovdje samo za administrativnu taksu ko će da otvori tu radnju treba da plati 150,00 ili 200,00 KM, kroz administrativnu taksu. Mislim da bi mi kao Općinsko vijeće trebali da imamo tog sluha u podsticaju i na ovaj način zapošljavanja ljudi kroz zanatstvo, kroz obrt, kroz neke druge proizvodno uslužne djelatnosti gdje rješavamo mnoge sudbine i mnoga pitanja.

Važna su pitanja i ogromne su dileme u svemu tome, čak da se razmisli da se smanji za 50% to je neki realan prijedlog ovih koji pokreću te djelatnosti, a opet bih volio da čujem kakvi bi bili finansijski efekti, ako bi se mi izjašnjavali. Ono što sam primjetio, tamo ima dosta djelatnosti, ali nema nigdje ni u jednoj kategoriji berbernice, brijačnice itd. pa mi nije jasno jesul oni to automatski oslobođeni od plaćanja taksi ili se na neki drugi način retiraju da su obveznici. U svakom slučaju treba još dobro razmisliti koje to djelatnosti su omaškom propuštene, a tu ih nema.

Vijećnik Firuz Galijašević, vezano za ovo što je dopredsjedavajući rekao kad su u pitanju otvaranja ovih samostalnih radnji, samo da napomenem, da ukoliko osobe apliciraju po programima Federalnog zavoda za zapošljavanje u programu Start-up dobiju refundacijom 300,00 KM u povratu. Znači da što se mene tiče ja to ne bih dirao, neka to stoji ovako kako stoji.

Edlina Mehinagić, ja ću odgovoriti na neka pitanja. Kad su u pitanju taksene markice, mislim da bi trebala sa kolegicom da porazgovaram na koji način, pa možda i da napravimo jednu informaciju o tome. Fiskalna procjena slažem se, samo bih da kažem da na osnovu ovih podataka koji ste vi dobili i ovog prijedlog o općinskim administrativnim taksama, uglavnom su takse smanjene isključivo u cilju da se poveća i poboljša taj sistem, na neki način da bude jeftinije. Ovo što se tiče oslobađanja određenih kategorija kad su u pitanju boračke populacije, to je regulisano Zakonom o dopunskim pravima boraca i navodi koje kategorije i na koji način bi trebale da budu oslobođene plaćanja općinskih administrativnih taksi. Postoje neke takse koje nisu općinske, ali se kod nas naplaćuju i naravno treba voditi računa što više o tome.

Kad je u pitanju tarifni broj 6. mi smo u ovom našem prijedlogu, ako ste mogli da primjetite smanjili iznose. U prethodnoj odluci bilo je po 200,00 KM, samo je zadnja stavka prijevoz za vlastite potrebe bio i ostao 100,00 KM, sve ostale su bile po 200,00. Mi smo ih smanjili na 150,00 KM, izuzev na ovu javni prijevoz lica i stvari. Smanjili smo ih za 50,00 KM, jednu za 100,00 KM, ali vi ako smatrate da treba da bude i niže, nije problem.

Senada Alibajraktarević, meni je žao. Prođe momenat od otvaranja javne rasprave, od nacрта, dođemo do konačnog prijedloga i onda otvaramo dileme neke na samoj sjednici OV. Ovdje ima masa dilema od fiskalne procjene, pa nadalje. Da bi se uradila fiskalna procjena, moramo imati ulazne parametre, ono što imamo trenutno i ono što ćemo očekivati u narednom periodu. To je jedan posao koji zahtijeva malo dublju analizu, a ne da kažemo fiskalna procjena je takva i takva na samoj sjednici Vijeća. Prijedlog Službe bi bio da se ovaj konačan prijedlog odluke odgodi za narednu sjednicu, da uobzirimo sve ulazne parametre, sve ono što smo ostvarivali u prethodne tri godine po svim naplaćenim taksama i da napravimo jednu fiskalnu procjenu za naredni period. Ovdje dolazi i do brkanja pojedinih pojmova od osnivačkog kapitala kojeg su naši d.o.o. odnosno pravna lica dužni da polože kod registrovanja kod Suda sa pojmom plaćanja administrativnih taksi kod registracije. To su odvojeni pojmovi. Zatim su odvojeni pojmovi starih tradicionalnih zanata koji su već sad oslobođeni plaćanja takse kod registracije, tako da ih nije kolegica ni uobzirila kod ovih tarifnih brojeva za plaćanje i u saradnji sa našim kolegama koji rade u odjeljenju za lokalni razvoj i poduzetništvo, kolegica Eldina je već uradila smanjenje po pojedinim tarifnim brojevima, ali konačan prijedlog i stav službe bi bio da se ovaj prijedlog vrati, doradi i da uradimo jednu fiskalnu procjenu onako kako vi insistirate, kako bi imali prave finansijske efekte za neki naredni period.

Vijećnik Hajrudin Ferić, replika, povod je vaše izlaganje, iako nije vama replika, ja sam pominjao i prije dvije godine finansijsku procjenu da je to obaveza i da to nije obaveza ni hir ni Hajrudina Ferića ni ovog OV, nego

zakonska obaveza, da mora svaka od ovih odluka da ima i zbog toga govorim da je vrlo teško bilo kome i bilo šta govoriti. Mi smo bili na javnoj raspravi po pitanju Odluke o procjenjenoj konačnoj građevinskoj cijeni 1 m2. Također se postavljalo pitanje šta nam znači to, ako bi jednu ili drugu cifru stavili i donijeli odluku. Upravo u tom smislu, nije to sad naumpala fiskalna procjena nego prije dvije godine mi insistiramo na tome i dobro bi bilo da se službe i obrađivači materijala naviknu na to, da je to obaveza i da to imamo pored toga. Na višim organima vlasti nema ni blizu da dođe na dnevni red ako nema te procjene.

Drugo, zaista mi smo prošle godine tri puta na prijedlog Općinskog načelnika mijenjali ove administrativne takse, da pomognemo, da smanjimo i idemo u tom pravcu i tako smo i prihvatili ovaj prijedlog odluke. Nije ovo brkanje pojmova između početnog kapitala i ovoga. Ovdje govorimo o nametima, neki ga zovu fiskalni, parafiskalni, neki ga zovu drugačije, ali to su u suštini ukupni nameti koji opterećuju određene procese i tu tom smislu i tom kontekstu je pomenuto 1.000 KM, čak ima prijedloga da se smanji na 100,00 KM. Evo Federalni zavod daje te poticaje itd. Međutim, postavlja se pitanje, gdje mi i kako mi to možemo a da nam se to ne odrazi na Budžet i na poticaje itd. a da pomognemo maksimalno tim ljudima, koji se žele baviti nekim poslom.

Senada Alibajraktarević, da ne bi bilo nerazjašnjeno, Služba ne bježi od fiskalnih procjena ali ono što je bitno a što ja ne pamtim u prethodnih desetak godina, Služba kad dostavi uz nacrt Budžeta svake godine dostavi Dokument okvirnog Budžeta za tri godine. U tom Dokumentu okvirnog budžeta postoje sve te fiskalne, parafiskalne procjene i na osnovu tog Služba zajedno sa Općinskim načelnikom uradi nacrt Budžeta koji vi usvojite na OV. Zatim se otvori javna rasprava i u okviru svih tih procjena koje mi dobijamo sa svih viših nivoa vlasti i gdje skidamo sa svih mogućih biltena koje koristi Federalno Ministarstvo finansija i Kantonalno Ministarstvo finansija, mi uradimo konačan prijedlog Budžeta i sve one odluke koje vi donosite na OV tokom fiskalne godine, one trebaju biti u okviru planiranih pozicija u Budžetu Općine Maglaj za tu godinu. A sve one procjene koje radimo, radimo na osnovu tih pokazatelja i parametara i vidjeli ste i u Operativnom budžetskom kalendaru kojeg ćemo imati na razmatranju na ovoj sjednici, vidjeli ste da ide Dokument okvirnog Budžeta kojeg je Načelnik dužan da usvoji do 30.06. tekuće godine za naredne tri godine. Znači za period 2020.- 2022.,

a slobodno se iz svih zapisnika možete vratiti da je Služba uredno OV dostavljala Dokumente okvirnog Budžeta za trogodišnji period gdje ima stvarno puno pokazatelja i o fiskalnim nametima i o parafiskalnim nametima, svim tim procjenama i o onome što je bilo u prethodnom periodu i šta se očekuje u narednom. Bez obzira na to sve, ono što OV zaključuje, Služba će ispoštovati, ali morate na vrijeme tražiti podatke, jer mi nikad ne dajemo proizvodne podatke, nego samo na osnovu onoga što imamo trenutno i na osnovu onoga što smo ostvarili i na osnovu procjena koje smo dobili sa viših nivoa vlasti.

Predsjedavajuća, vi ste Senka rekli u svom prethodnom izlaganju da bi realno bilo da se dokument ne usvaja, nego da se ostavi za neku narednu sjednicu i da biste u tom nekom periodu mogli pripremiti fiskalnu procjenu ovakve odluke.

Senada Alibajraktarević, ja sam rekla Služba stoji na raspolaganju što god se danas zaključuje na OV, a sve ono što je planirano u Budžetu, radi se na osnovu parametara koje smo mi dobili i mislim da bi sve odluke vijeća trebale ići u tom smjeru i da koriste te podatke koje smo mi već vijeću dostavili.

Predsjedavajuća, dopredsjedavajući je govorio o svakoj izdvojenoj odluci koju mi donosimo, da je prati, o tome se radi. Radi se o tome, Senka je govorila u kompletnom Budžetu, usvajanje Budžeta gdje oni uzimaju u obzir sve ovo što bismo mi voljeli da vidimo odvojeno uz svaku odluku koju donosimo i kako ona zapravo utiče na budžet, da li je povoljna ili nije povoljna za Budžet Općine Maglaj.

Vijećnik Hajrudin Ferić, samo da ponovim, to je zakonska obaveza, da svaki akt mora da ima makar jednu rečenicu i nije to ničija dobra volja, zbog toga i govorim i to vi morate da dobijete od drugih predlagača Službi u finansije, pa da date svoje mišljenje. Ja znam o čemu govorim.

Predsjedavajuća, i čini mi se da Služba već ima te podatke, ali da nije izdvajala uz svaku odluku koju mi donosimo, a moguće je i to uraditi za naredne odluke koje ćemo donositi.

Klub SDP-a pauza

Vijećnik Hajrudin Ferić, u ime bloka većine, ja ću predložiti nekoliko zaključaka:

1. Da službe vide način kako da u narednom periodu uvedu u praksu taksene markice i da nas o tome izvijeste i nas i građane.
2. Da se prihvata ovaj prijedlog Kluba SDA kad su u pitanju besplatna vjenčanja za Dan općine.
3. Da ubuduće se praktikuju fiskalne procjene na pojedinim dokumentima koji se predlažu na OV.
4. Da služba koja nam je predložila ovu Odluku o administrativnim taksama, prati u narednom periodu njeno izvršenje, realizaciju i da po pokazanoj nuždi zaista i predloži izmjene prijedloga ove odluke kako bi se eventualno moglo beneficirati, odnosno oslobađati pojedine ove socijalne kategorije i kategorije lica koja eventualno otvaraju nova radna mjesta. Da nam to pratite i dostavljate eventualno neke izmjene i dopune.
5. Da prihvatamo ovaku odluku uz prijedloge izmjena od strane Službe.

Predsjedavajuća, zaključujem raspravu i dajem na glasanje

Z A K L J U Č A K

3.1. Usvaja se Odluka o izmjeni i dopuni Odluke o općinskim administrativnim taksama i tarifi općinskih taksi.

3.2. Prihvata se prijedlog Službe za BiZ opću upravu i društvene djelatnosti o izmjeni Tarifnog broja 18. Tačka 8.

3.3. Obavezuju se Služba za privredu, finansije i razvoj poduzetništva i Služba za BiZ, opću upravu i društvene djelatnosti, da utvrde mogućnost nabavke i prodaje taksenih markica.

3.4. Prihvata se prijedlog SDA da vjenčanja zakazana na Dan općine Maglaj budu besplatna, te da se razmotri mogućnost organizovanja kolektivnih vjenčanja.

3.5. Sugeriraju se Službi za BiZ, opću upravu i društvene djelatnosti da u narednom periodu uz prijedloge odluka, praktikuju i dostavljanje fiskalne procjene određene odluke tj. pozitivne i negativne uticaje na Budžet.

3.6. Zadužuje se nadležna Služba da prati provođenje ove Odluke i da ukoliko se ukaže potreba predloži prijedloge izmjena iste.

Usvajeno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, Ermina Muminović(SDA), Mustafa Buljubašić (samostalni vijećnik).

Uzdržan 1 glas : Josip Jurišić (HDZ).

AD - 4 Prijedlog srednjoročnog - Trogodišnjeg plana potencijalnih projekata JPP-a 2019.-2021. godina i Godišnjeg plana potencijalnih projekata javno-privatnog partnerska za 2019. godinu;

Nermin Bešlić, u okviru ove tačke dnevnog reda na osnovu Zakona o javnom privatnom partnerstvu ZDK i Uredbe o provođenju Zakona o javnom privatnom partnerstvu propisana je obaveza da jedinice lokalne samouprave donošenje srednjoročnog trogodišnjeg plana potencijalnih projekata javno privatnog partnerstva i obnavljanje godišnjeg plana potencijalnih prijedloga javnog privatnog partnerstva i u tom smislu sačinjen je prijedlog ova dva dokumenta na propisanom obrascu, u formi koja je propisana ovom Uredbom i s te strane danas imamo ove popisane projekte koje ste dobili u ovom materijalu. Napominjem da se radi o vrlo interesantnom zakonu koji otprilike svi doživljavamo kao nešto što pruža određene mogućnosti i ima potencijal za neka nova investiranja i kvalitetnijem rješavanju određenih javnih usluga. Međutim, obzirom da se radi o odnosu javnog i privatnog partnera, jasno nam je da bez postojanja privatnog partnera i njegove inicijative vrlo teško će se dešavati takvi. Vidjeli ste iz sredstava javnog informisanja da će se u ZDK desiti, još se nije desilo prvo javno privatno partnerstvo u Kantonalnoj bolnici u Zenici, dok u drugim se to još nije dešavalo. Postoje određene pripreme pokušaji, ali još uvijek nije to praksa da se to dešava. Mi imamo obavezu da napravimo ovaj plan. S jedne strane prepoznali smo neke projekte za 2019. godinu. Možda imaju malo veće šanse nego drugi da se otpočnu, ali nije garancija da će se zaista to dešavati i s druge strane svi projekti koji nisu u ovome, a pojave se i iskažu interes otvorena je mogućnost da se to ubaci u javno privatno partnerstvo i otvori proces. Općina Maglaj ima kapacitet u suradnji sa Ministarstvom za privredu ZDK u slučaju potrebe da pokrene te procedure i recimo realizira ih.

Otvaram raspravu

Vijećnica Šahman Anida, Klub vijećnika SDP-a će prihvatiti Prijedlog srednjoročnog - Trogodišnjeg plana potencijalnih projekata JPP-a 2019. -2021. godina i Godišnjeg plana potencijalnih projekata javno-privatnog partnerstva za 2019. Godinu, s nadom da će se u dogledno vrijeme pojaviti potencijalni investitori, partneri kako bi se krenulo u još bolji ekonomski i infrastrukturni razvoj općine Maglaj.

Predsjedavajuća, zaključujem raspravu i dajem na glasanje

Z A K L J U Č A K

4.1. Usvaja se Prijedlog srednjoročnog - Trogodišnjeg plana potencijalnih projekata JPP-a 2019.-2021. godina i Godišnjeg plana potencijalnih projekata javno-privatnog partnerska za 2019. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova uzdržanih: Adis Abdurahmanović, Nedžad Alispahić, Sefka Hasanica, Mirsad Bejzić, Delić Edib, Safet Jašić, Edina Jašić, Dženita Smajlović, Ermina Muminović, (SDA) i Mustafa Buljubašić (samostalni vijećnik).

AD – 5 Izvještaj o radu za 2018.godinu i Program rada za 2019. Godinu - Zdravstveni savjet.

Adin Obralić, ja kao predsjednik Zdravstvenog savjeta zahvaljujem vam se što sam dobio priliku da vam se obratim. Izvještaj za 2018.godinu, mi smo ukupno održali 4 sastanaka. S obzirom da niko od nas nema neka iskustva u radu što se tiče ovakve jedne komisije, na prvom sastanku smo razmatrali kako dalje da radimo, ja sam sa gospodom Mahmić iz Općine napravio neki Poslovnik koji na prvom sastanku nije usvojen, nismo znali kako da dostavimo svim članovima, pa smo tom prilikom im uručili Poslovnik, tako da smo na slijedećem sastanku usvojili Poslovnik o radu. Na trećem sastanku na neke prijedloge članova i na moj prijedlog razmatrali smo neke povrede prava građana između ostalog uputili smo dopise i Domu zdravlja, i „Natron“ i Načelniku i gospođi Predsjedavajućoj. Dobili smo odgovore, nakon čega sam se konsultovao sa Načelnikom šta dalje i kako. Mislim da smo kao savjet, a i ja kao predsjednik malo prekoračili svoje ovlasti i ja sam se tom prilikom izvinio i Načelniku i vama kao Vijeću se izvinjavam s obzirom da nismo imali iskustva, nisam znao kako je prethodni savjet radio, nisam imao nikakve dokumentacije pa smo dobili naputke za dalji rad. Poslije toga smo imali još jedan sastanak na kome smo sve to razmotrili, primili k znanju i svi su članovi upoznati. Napravili smo prijedloge za narednu godinu. Ti prijedlozi za narednu godinu su ono kako nalaže Poslovnik, s tim da ćemo najveće zanimanje staviti na prevenciju i promociju zdravlja, s obzirom da ja lično mislim da je tu javno zdravstvo malo zakazalo. Znači kantonavno, rade to oni, ali to je sve u vidu obavještenja na njihovoj internet stranici. Već smo nešto krenuli i ja sam lično krenuo sa jednim projektom s djecom u vrtiću, radit ću i sa roditeljima na važnosti ishrane djece, organizovat ćemo predavanja za udruženje dijabetičara, ali i za ostale građane s ciljem važnosti preventivnih sistematskih pregleda s obzirom na veliku učestalost obolijevanja od karcinoma naših građana i ono što je važno što smo istakli na tom sastanku izuzetan angažman KJD na zaštiti životne sredine. Tako da smo tom prilikom pismeno dali podršku i da ćemo se u narednom periodu svaki put odazvati svakoj akciji, bilo čišćenja, sadnja nekih sadnica itd. samo onoliko koliko je zaštita životne sredine u pitanju.

Otvaram raspravu

Vijećnik Hajrudin Ferić, ja samo želim da prije svega izrazim zadovoljstvo da ovaj Zdravstveni savjet radi, da funkcioniše, pa makar to bilo tri sjednice koje ste vi obavljali i sasvim sigurno ukoliko ima volje u vama prije svega kao predsjedniku i ostalim članovima, on će svakim periodom sve više sebe dograđivati i biti efikasniji i funkcionalniji. Ono što bih želio samo da sugerišem je nešto što je u zakonu o pravima, odgovornostima i obavezama pacijenata i propisano da je obaveza Zdravstvenog savjeta i vrlo odgovorna obaveza da se vi pitate i kad se donosi godišnji program rada Doma zdravlja itd. To su vrlo ozbiljne stvari. Ono što također želim da podvučem, a to je da vi morate sebi uzeti u zadatak da obavještavate u kontinuitetu javnost, odnosno građane da postojite putem medija, udruženja, nevladinih organizacija, svojim kampanjama kroz škole itd. pa i mjesne zajednice, jer sama činjenica ste naveli da ste imali samo jednu pisanu primjedbu u prošloj godini pokazuje dvije stvari. Ili da ljudi ne znaju da postojite ili da ljudi više u kafanama diskutuju i kritikuju, a manje se usuđuju da pišu te primjedbe i prijedloge. Ja ne govorim apsolutno ni o kakvim primjedbama koje se odnose ovdje na naše zdravstvene ustanove. Ne znam, niste spomenuli kakva je saradnja sa privatnim zdravstvenim ustanovama jer i one imaju obavezu da vam prijavljuju svoje pritužbe i primjedbe koje se njima upućuju, tako da mogu samo reći, radite, podršku od mene, a sigurno i od cijelog Vijeća imate i nadamo se da će biti više i vaših savjeta i vaših kampanja, vaših akcija u cilju tog preventivnog dizanja, edukativnog djelovanja itd. a sve ono što nam je najvažnije to je zdravlje.

Vijećnik Lokmić Nedžad, gospodin dopredsjedavajući je već iznio neke sugestije koje smo i mi htjeli reći, dakle u ime Kluba vijećnika SDP-a možemo podržati Izvještaj Savjeta za 2018.godinu a istovremeno i Program rada za 2019. godinu. Želio bih i osobno čestitati i komplementirati gospodinu Obraliću kao predsjedniku Savjeta sa željom da i u narednoj godini ostvare bolje rezultate. Sami podaci da su od onog perioda kad se krenulo u osnivanje Savjeta održali sjednice već u 6,8, 11 i 12. mjesecu govore da su to ozbiljno shvatili i sve sa jednim jedinim ciljem, a složit ćemo se svi s tim a to je u interesu građana, odnosno optimiziranja, poboljšanja, fizičkog, psihičkog i svakog zdravlja našeg građanina. Samo naprijed.

Vijećnik Josip Jurišić, i mi ćemo ispred HDZ podržati Izvještaj i Plan rada za slijedeću godinu. Mene zanima da mi jedan od ova dva doktora odgovori. Radi se o jednom pacijentu srčanom bolesniku koji je tu dolazio u hitnu, pa je došlo do nekog nesporazuma. Kao on je trebao, htio za Zenicu hitnom, a vi ste ga uputili za Tešanj. Čovjek je godinama srčani bolesnik i ima baš privatnu doktoricu u Zenici i operiran je u Tuzli, samo da se to raščisti šta gdje i kako.

Vijećnik Elvir Vehabović, stvar je organizacione prirode, zato što Zavod zdravstvenog osiguranja svake godine odredi koje discipline pripadaju kojoj bolnici za Dom zdravlja Maglaj i oni nama kažu interni odjel Tešanj, higurgija Tešanj i ako doktor napiše uputnicu u pogrešnu bolnicu, bukvalno iz Kantonalne bolnice Zenica dođe račun na ime doktora po pečatu da on lično plati, a nisu iznosi zanemarivi. Uzmemo se dani ležanja i to bude po

pacijentu po 400 do 500,00 KM. Mi moramo prvo poslati u Tešanj, pa ako Tešanj ne može završiti, onda oni šalju u Zenicu, Tuzlu gdje oni procjene. Mi smo na osnovu ugovora sa zavodom dužni pacijente sa područja općine Maglaj za internističke stvari slati u Opću bolnicu Tešanj.

Adin Obralić, vezano za promociju, hvala vam svima na podršci, mi ćemo u narednom periodu da iskoristimo medijski prostor koji ste nam vi omogućili i na portalu Općine da obavijestimo građane da što više dolaze po pitanju za savjete, prijedloge itd. Međutim, ono što je najveći problem, što niko neće pismeno da se obrati. Lijepo ste vi to rekli, to se više po kafani razmatra, dođu oni sve ispričaju, možetel to sve napisati da ostane pisani trag, onda ne bi, radije bi da ostanu anonimni. Ne morate se potpisati, ali dajte pisano. Samo jedna gospođa je uputila pisanu primjedbu, a što nije bilo u našoj nadležnosti, nego u nadležnosti Zdravstvenog osiguranja.

Predsjedavajuća, čestitke na vašem radu, uvažavajući i sami ste rekli da ćete uzeti u obzir ove sugestije iznesene na vaš rad, drago nam da je ovo zaživjelo, na glasanje stavljam

Z A K L J U Č A K

5.1. Usvaja se Izvještaj o radu za 2018.godinu i Program rada za 2019. godinu Zdravstveni savjet.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova uzdržanih: Adis Abdurahmanović, Nedžad Alispahić, Sefka Hasanica, Mirsad Bejzić, Delić Edib, Safet Jašić, Edina Jašić, Dženita Smajlović, Ermina Muminović (SDA) i Mustafa Buljubašić (samostalni vijećnik).

AD – 6 Etički kodeks Komunalnog javnog društva Maglaj doo Maglaj.

Predsjedavajuća, obzirom da je gospođa Hasanić u sali zamolila bih vas da završimo i ovu tačku pa da onda idemo na pauzu. Ovo je zakonska obaveza i nema neke rasprave. Sve stavke su propisane zakonom, ako dozvoljavate da ipak ispoštujemo i gospođu Hasanić, ako ima neko pitanje. Već smo imali jednom ovakvu tačku kad je bila u pitanju JP Veterinarska stanica. Naše je samo da damo svoju saglasnost zastupniku u Skupštini kako će se izjasniti po pitanju usvajanja ovog Etičkog kodeksa.

Otvaram raspravu

Vijećnica Šefka Hasanić, stav Kluba SDA neće prihvatiti Etički kodeks KJD Maglaj zato što KJD danas radi upravo sve ono što je u suprotnosti sa članom 8. ovog Etičkog kodeksa koji glasi: „Članovi Nadzornog odbora Društva, Uprava Društva, Odbor za reviziju Društva i odgovorna lica u Društvu neće vršiti svoje dužnosti, odnosno koristiti ovlaštenja svog položaja u cilju ostvarivanja svojih ličnih, grupnih i stranačkih interesa, te će izbjegavati svaki oblik ponašanja koji bi mogao da dovede do davanja prednosti privatnim interesima nad javnim, čak i ako takvo ponašanje nije formalno pravno zabranjeno.“

Smatramo da ovo ne treba šire elaborirati jer nam je svima dovoljno jasno šta je.

Vijećnik Hajrudin Fermić, želim samo da napomenem, ovo je davanje saglasnosti opunomoćeniku Skupštine da na sjednici Skupštine tog društva glasa za ili protiv, a mi ćemo naravno pretpostavljam glasati za da usvojimo ovaj Etički kodeks. Samo da kažem još jednu stvar, obzirom da puno tih optužbi, pritužbi ima na sjednicama OV koje imaju jednu ogromnu težinu u svim nekakvim prethodnim periodima od izbora UO, NO, od imenovanja direktora itd. ja bih sugerisao našem Općinskom načelniku da on vidi i sagleda sa Općinskim pravobraniocem i sa svojim pravnicima u Općini da li postoji ikakvih elemenata krivične odgovornosti za one koji su Ombudsmeni rekli nezakonito imenovali članove UO i NO, pa i direktore JU i JP u nekim prethodnim periodima, pa nekad da nas izvijestite po tom pitanju. Činjenica je materijalne dokaze imate, to je mišljenje Ombudsmena.

Predsjedavajuća, zaključujem raspravu i dajem na glasanje

Z A K L J U Č A K

6.1. Daje se saglasnost na Etički kodeks Komunalnog javnog društva Maglaj d.o.o Maglaj.

6.2. Općinsko vijeće ovlašćuje punomoćnika ispred Državnog kapitala, da na Skupštini društva glasa za isti.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici.

Glasalo 10 glasova protiv: Adis Abdurahmanović, Nedžad Alispahić, Sefka Hasanica, Mirsad Bejzić, Delić Edib, Safet Jašić, Edina Jašić, Dženita Smajlović, Ermina Muminović (SDA) i Mustafa Buljubašić (samostalni vijećnik).

Glasalo 1 uzdržan: Josip Jurišić (HDZ).

Pauza za ručak do 13,00 sati.

AD -7 Strategija razvoja turizma i turističkih potencijala na općini Maglaj za period 2019.- 2024. godine;

Nermin Bešliagić, Općinsko vijeće Maglaj na 22. redovnoj sjednici Zaključak broj: 02-05-1-2685-7/18 od 04.12.2018. godine usvojilo je i istim zadužilo Službu za privredu, finansije/financije i razvoj poduzetništva da organizuje i provede Javnu raspravu na Nacrt dokumenta "Strategija razvoja turizma i turističkih potencijala na općini Maglaj za period 2019. - 2024. godine".

Javna rasprava je bila otvorena 60 dana i počela teći od 10.12.2018. godine do 11.02.2019. godine.

Organizovane su Javne rasprave po MZ-a: MZ Jablanica, MZ Novi Šeher i MZ Kosova.

Dok je dana 11.02.2019. godine organizovana zajednička Javna rasprava u sali Općinskog vijeća Maglaj, Dom kulture "Edhem Mulabdić" Maglaj.

Cilj održanih javnih rasprava o Nacrtu dokumenta "Strategije razvoja turizma i turističkih potencijala na općini Maglaj za period 2019. - 2024. godine" bio je da se doprinese njenom poboljšanju, kako bi Općina Maglaj zajedno sa Radnom grupom, na čelu sa prof. dr. Almirom Peštekom i doc. dr. Merimom Činjarević sa Ekonomskog fakulteta Univerziteta u Sarajevu, koja je radila na izradi dokumenta, dostavila Općinskom vijeću Maglaj odgovarajući Prijedlog dokumenta "Strategije razvoja turizma i turističkih potencijala na općini Maglaj za period 2019. - 2024. godine".

Na Javne rasprave pozvani su predstavnici udruženja građana, predstavnici sportskih klubova, mjesnih zajednica, privrednih društava, vlasnici radnji, predstavnici udruženja privrednika i svi ostali građani koji smatraju da mogu pomoći u procesu davanja primjedbi i prijedloga na Nacrt "Strategije razvoja turizma i turističkih potencijala na općini Maglaj za period 2019. - 2024. godine".

Također, tokom održanih javnih rasprava, prisutnima je pružena mogućnost iznošenja vlastitih mišljenja i stavova u vezi sa predloženim Nacrtom Strategije, a sve u cilju što kvalitetnije konačne verzije ovog dokumenta.

Do posljednjeg dana provođenja Javne rasprave, svi zainteresirani su imali mogućnost dostaviti svoje prijedloge na navedeni dokument kako bi Služba za privredu, finansije/financije i razvoj poduzetništva mogla iste prosljediti Radnoj grupi na čelu sa prof. dr. Almirom Peštekom i doc. dr. Merimom Činjarević, što su mnogi i uradili.

Na osnovu svega navedenog, predložen je konačan dokument Strategije razvoja turizma i turističkih potencijala na općini Maglaj za period 2019. - 2024. godine.

Otvaram raspravu

Vijećnica Smajlović Dženita, Klub vijećnika SDA ne može podržati Strategiju razvoja turizma i turističkih potencijala na općini Maglaj za period 2019.- 2024. godine, pošto od januara 2017. godine do danas iz oblasti turizma nije urađeno ništa, a i ovaj dokument obiluje projektima koje je praktično nemoguće izvršiti u tom periodu od 2019-2024. godine, jer za većinu ovih projekata potrebno je uraditi projektnu dokumentaciju za koju treba mnogo vremena, što znači da ni u narednom periodu neće se uraditi ništa, a zbog dužine vremena koji je potreban za implementaciju tih projekata, ali i zbog vrijednosti koji iziskuju velika sredstva. Žao nam je što u proteklom vremenu od 2017.godine pa do danas nije urađeno ništa od obećanog, čak nije bilo ni izvještaja o realizaciji projekata za koje je potrebno izuzetno malo sredstava, a gradski bazen i teniski tereni u gradu koji su naveliko obećavani, čak su izbrisani iz Regulacionih planova.

Vijećnica Svjetlana Zamboni, slažem se sa ovim što je gospodin Bešliagić rekao da se radi o jednom vrlo ambicioznom dokumentu. Međutim, kao i svi strateški dokumenti koji se donose na području općine Maglaj, tako i ovaj mora imati nekakav cilj u budućnosti kojem težimo i naravno kao nekakva smjernica nama u OV kako uskladiti svoje odluke za postizanje tih ciljeva. Ono što bih ja napomenula jeste da Služba svakako treba da vodi računa o ovim sugestijama koje su iznesene u Strategiji s ciljem podizanja turizma na području općine Maglaj na nivo kakav je ovdje i predložen, dakle koje korake bi mi trebali da preduzmemo u narednom periodu pa da se u vidu nekakvih odluka to nađe i na sjednicama Općinskog vijeća. Ono što bih sugerisala također i Načelniku općine Maglaj jeste da se projekti iz infrastrukture na neki način pokušaju prilagoditi, mada već jesmo sa onim svojim trogodišnjim planovima na neki način jesmo pratili Strategiju razvoja općine Maglaj, a evo i djelimično pratimo i ovu Strategiju sa takvim planom dakle, da se infrastrukturni projekti posebno kada su saobraćajnice do ovih određenih destinacija u pitanju da se pokušaju sredstva usmjeriti i ka tome, kako bi se objedinili ti ciljevi kroz razvoj infrastrukture, ali i cilj razvoja turizma.

Predsjedavajuća, zaključujem raspravu i dajem na glasanje

Z A K L J U Č A K

7.1. Usvaja se Strategija razvoja turizma i turističkih potencijala na općini Maglaj za period 2019.- 2024. godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova protiv: Adis Abdurahmanović, Nedžad Alispahić, Sefka Hasanić, Mirsad Bežić, Delić Edib, Safet Jašić, Edina Jašić, Dženita Smajlović, Ermina Muminović (SDA) i Mustafa Buljubašić (samostalni vijećnik).

U vrijeme glasanja nije prisutna u sali vijećnica Irena Herceg.

AD -8 Prijedlog Odluke o izmjeni i dopuni Odluka o provođenju planskih dokumenata Općine Maglaj;

Fuad Hajrulahović, u sazivu materijala dobili ste prijedlog Odluke o izmjeni i dopuni Odluka o provođenju planskih dokumenata Općine Maglaj. U ovom prijedlogu je detaljno sve obrazloženo. Po zahtjevu OV održana je javna rasprava. Kako nije bilo zainteresovanih na javnoj raspravi, odnosno vrlo mali broj, a niste ni vi kao vijećnici izuzev nekolicine bili prisutni, smatram da vam je sve jasno u ovoj Odluci što je napisano, tako da ja ne bih ponovo čitao i obrazlagao. Ako bude nekih pitanja ja ću odgovoriti.

Otvaram raspravu

Vijećnik Mirsad Bežić, Klub vijećnika SDA prihvata prijedlog Odluke o izmjeni i dopuni Odluka o provođenju planskih dokumenata Općine Maglaj.

Vijećnik Armin Hrnjić, Klub vijećnika SDP-a prihvata prijedlog Odluke o izmjeni i dopuni Odluka o provođenju planskih dokumenata Općine Maglaj.

Predsjedavajuća, zaključujem raspravu i dajem na glasanje

Z A K L J U Č A K

8.1. Usvaja se Odluka o izmjeni i dopuni Odluka o provođenju planskih dokumenata Općine Maglaj.

Usvojeno jednoglasno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ), Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita Ermina Muminović, (SDA), Mustafa Buljubašić (samostalni vijećnik).

AD - 9 Prijedlog Odluke o prosječnoj konačnoj građevinskoj cijeni 1 m2 korisne stambene površine na području općine Maglaj za 2019. godinu;

Fuad Hajrulahović, u materijalu ste dobili prijedlog Odluke o prosječnoj konačnoj građevinskoj cijeni 1 m2 korisne stambene površine na području općine Maglaj za 2019. godinu. Ovom Odlukom utvrđena cijena će se koristiti kao osnovica za izračunavanje naknade po osnovu prirodne pogodnosti gradskog građevinskog zemljišta i pogodnosti za već izgrađene komunalne infrastrukture, koje mogu nastati prilikom korištenja tog zemljišta, koje nisu rezultat ulaganja sredstava vlasnika ili korisnika nekretnine je renta, gdje se kao osnovica za obračun uzima vrijednost iz člana 1. koje bi Općinsko vijeće danas trebalo da donese, a inače zakonski rok je 31. mart za svaku slijedeću godinu. Prošle godine znate da smo imali cijenu od 700,00 KM/m2, nakon prikupljenih podataka od građevinskih firmi iz Maglaja i nakon održane javne rasprave na kojoj je bio vrlo mali broj. Konačan prijedlog prisutnih na javnoj raspravi je bio jednoglasno da to bude 730,00 KM/m2.

Otvaram raspravu

Na vijeće je pristupila vijećnica Irena Herceg, tako da vijeće radi sa 24 vijećnika.

Vijećnica Jašić Edina, Klub vijećnika SDA prihvata prijedlog Odluke o prosječnoj konačnoj građevinskoj cijeni 1 m2 korisne stambene površine na području općine Maglaj za 2019. godinu, ukoliko maksimalna cijena 1 m2 korisne stambene površine iznosi 700,00 KM sa PDV.

Vijećnik Armin Hrnjić, Klub vijećnika SDP-a prihvata prijedlog Odluke o prosječnoj konačnoj građevinskoj cijeni 1 m2 korisne stambene površine na području općine Maglaj za 2019. godinu koju je dao gospodin Hajrulahović.

Predsjedavajuća, nakon ova dva stava, prvi stav je iznio Klub SDA, da konačna cijena bude 700,00 KM/m2 računajući i PDV, ko je za

Glasalo 10 glasova za: Adis Abdurahmanović, Nedžad Alispahić, Sefka Hasanic, Mirsad Bejzić, Delić Edib, Safet Jašić, Edina Jašić, Dženita Smajlović, Ermina Muminović (SDA) i Mustafa Buljubašić (samostalni vijećnik).

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici.

Glasalo 1 uzdržan: Josip Jurišić (HDZ).

Predsjedavajuća, drugi prijedlog je bio po prijedlogu Službe, a nakon održane javne rasprave gdje je postignuta kompromisna cijena od 730,00 KM/m², ko je za takav prijedlog, predlažem

Vijećnik Hajrudin Fermić, zašto je ovakva cijena, gospodin Hajrulahović je uzeo sve one prijedloge koje su predstavnici građevinskih firmi uputili u ovom postupku i izvukao prosjek koji dođe 730,00 KM/m². To su njihovi prijedlozi i njihova srednja vrijednost, a o ovoj cijeni i oni su se složili koji su bili prisutni na toj javnoj raspravi. Samo da ne bude zabune, to je njihov praktično prijedlog.

Z A K L J U Č A K

9.1. Usvaja se Odluka o prosječnoj konačnoj građevinskoj cijeni 1 m² korisne stambene površine na području općine Maglaj za 2019. godinu u iznosu od 730,00 KM.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova protiv: Adis Abdurahmanović, Nedžad Alispahić, Sefka Hasanic, Mirsad Bejzić, Delić Edib, Safet Jašić, Edina Jašić, Dženita Smajlović, Ermina Muminović, (SDA) i Mustafa Buljubašić (samostalni vijećnik).

AD -10 Prijedlog Odluke o izmjeni Regulacionog plana „Centar Maglaj-južni“ dio;

Fuad Hajrulahović, na prošloj sjednici OV donesena je Odluka da se ide u realizaciju djelimične izmjene Regulacionog plana Centar – južni dio Maglaj. Služba je po zaključku OV provela proceduru i danas vam je dala prijedlog Odluke o usvajanju izmjene Regulacionog plana „Centar Maglaj-južni dio“. O čemu se radi, dobro svi znate. Radi se da imamo prostor koji se nalazi u južnom dijelu grada u neposrednoj blizini Sportske dvorane, Osnovne škole i Dječijev vrtića i spomenika djeci stradaloj u proteklom ratu. Na tom prostoru su nekad bili predviđeni otvoreni i zatvoreni bazeni. S obzirom da ne postoji interes za izgradnju bazena, ali da ta lokacija namjenski nije prihvatljiva za izgradnju takvih objekata zbog vrlo male površine i same blizine i obdaništa i škole, išli smo sa idejom da na tom prostoru se napravi jedan gradski park koji će biti samo nastavak realizacije parka stradaloj djeci. U kompletnoj ovoj proceduri pročitali ste u materijalu, ispoštovani su zakonski propisi, odnosno urađeni su tekstualni dijelovi urbanistička osnova, urbanistički koncept, smjernice za provođenje regulacionog plana, zatim grafički dijelovi sa ovih osam karata i imate dokument koji je danas na vama, na OV da ga usvoji ili da ga ne usvoji.

Otvaram raspravu

Vijećnik Edib Delić, Klub vijećnika SDA je razmatro prijedlog Odluke o izmjeni Regulacionog plana „Centar Maglaj-južni dio“ i ja ću iznijeti stav Kluba.

Klub vijećnika ne prihvata prijedlog Odluke o izmjeni Regulacionog plana „Centar Maglaj-južni dio“ jer smo predlagali već i ranije da ova lokacija ostane predviđena za izgradnju sportsko rekreativnog kompleksa sa bazenima i poslovnim prostorima.

Vijećnik Irena Herceg, u ime vijećnika Kluba SDP-a, mi smo razmatrali prijedlog Odluke o izmjeni Regulacionog plana „Centar Maglaj-južni dio“. Drago nam je da je došlo do momenta da se oživi ovaj dio grada i da to neće ostati samo dobra ideja na papiru, mi ćemo podržati ovu izmjenu Regulacionog plana.

Vijećnik Fikret Delić, i naš će Klub samostalnih vijećnika podržati ovu Odluku o o izmjeni Regulacionog plana „Centar Maglaj-južni dio“.

Predsjedavajuća, zaključujem raspravu i stavljam na glasanje

Z A K L J U Č A K

10. 1. Usvaja se Odluka o izmjeni Regulacionog plana „Centar Maglaj-južni“ dio.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova protiv: Adis Abdurahmanović, Nedžad Alispahić, Sefka Hasanica, Mirsad Bejzić, Delić Edib, Safet Jašić, Edina Jašić, Dženita Smajlović, Ermina Muminović (SDA) i Mustafa Buljubašić (samostalni vijećnik).

AD - 11 Odluka o pristupanju djelimičnoj izmjeni Regulacionog plana „Centar Maglaj-sjeverni dio“;

Fuad Hajrulahović, u materijalu ste dobili jedan prijedlog, inicijativu za pokretanje djelimične izmjene Regulacionog plana „Centar Maglaj-sjeverni dio“. Radi se o prostoru između ulice Viteška, ulice Ilijasa Smajlagića, ulice Aleja Ilijana sa dijelom ulice Titovom. Po Reg. planu postojećem imamo dvosmjernu saobraćajnicu jednu, pa imamo drugu dvosmjernu saobraćajnicu koja ide između Tržnog centra i izgrađenih objekata. Trenutno ono što mi imamo izgrađeno na Tržnom centru, to su ovi objekti i imamo izgrađenu saobraćajnicu koja je izgrađena asfaltirana i uređena sa odvodnjom širine 5,5 do 6 m u zavisnosti na kojem dijelu. Mi pored imamo urađenu uličnu rasvjetu i odvodnju koju sam rekao. Ako bi išli u realizaciju ove saobraćajnice mi bi postojeću odvodnju i postojeću rasvjetu morali uništiti, a drugo postavlja se pitanje opravdanosti dvosmjernog saobraćaja u takvoj blizini. Šta nas je na ovo sve ponukalo da idemo sa tom inicijativom, a to je prvo sam zahtjev ovih ljudi koji koriste ove trgovine na tržnom centru. Imaju konstantan problem sa parkiranjem ljudi koji tu dolaze, onda oni ne mogu svoju robu izložiti i ne mogu prići sa svojim vozilima za dostavu. Drugo, u tom istom prostoru koji nije razgraničen, odvija se i pješački saobraćaj i saobraćaj motornih vozila. Šta je ono što je isto tako vrlo bitno, vi dobro znate da smo mi u proteklom periodu izgradili jedan objekat, pa izgradili smo drugi objekat, pa izgradili smo treći objekat. Znači ova tri objekta, imamo oko 100 stanova više izgrađenih i imamo objekat robne kuće, dva objekta po 20, to je nekih 40 stanova. Znači na ovom prostoru imamo oko 140 stanova i nemamo ni jedan parking prostor. Znači imamo zahtjeve od ovih svih 100 stanova i zgrada da se nađe rješenje da se u okviru tih slobodnih prostora i postojeće saobraćajnice i objekata napravi parking prostor za ove objekte koji su tu. Imamo isto tako nedefinisane saobraćajnice koja je između stare robe kuće i da kažemo Mitex najbliže. To je nedefinisano i imamo i tu jedan nered oko parkiranja i samog saobraćaja. Ono što je još vrlo bitno da se kroz ovu saobraćajnicu treba da se riješi problem ulaza u podzemnu garažu, koja će biti u okviru poslovnog prostora između dvije stambene zgrade, nekadašnja robna kuća. Ono što je ideja, da se postojeća saobraćajnica koju sam rekao širine 5,5 do 6 m da se odvoji 2 metra za pješake ispred trgovačkih radnji, da ovaj drugi dio koji će biti 3,5 do 4 metra ostane jednosmjernan i da se sa te saobraćajnice jednosmjerne obezbijedi prostor gdje će se parkirati vozila stanara koji tu žive i za korisnike ovih trgovačkih prostora i da se definiše saobraćaj u ovoj saobraćajnici između Viteške i ulice Tržnog centra. Smatramo da u ovom momentu nemamo ni finansijskih mogućnosti, niti imamo potrebe da ovu saobraćajnicu radimo u ovoj širini kako je ona predviđena, a to je saobraćajnica širine 6 do 7 metara sa obostranim trotoarom itd. Mislimo da je nepotrebno, da bi tu bilo značajnih ulaganja itd. Donošenjem ove odluke, išlo bi se na to da se dvosmjerna saobraćajnica prespoji u jednosmjernu saobraćajnicu, da prostori gdje nije bilo dozvoljenog parkiranja da se definišu kao parking prostori, odnosno konačno mišljenje će dati struka za samo rješavanje saobraćaja kako bi ne mogu sad tačno govoriti koliko će biti parkinga, da li pod uglom od 90 stepeni. Jednostavno sama struka za saobraćaj će procijeniti koliko parking prostora može biti i na koji način će se parkirati. Pred vama će se naći u dogledno vrijeme nacrt. Na vama je danas da odlučite. Imate mogućnost skraćenog postupka, a imamo mogućnost i redovnog postupka. Znači redovni postupak, imamo javni uvid i javnu raspravu i tako ponovo dolazi na sjednicu OV. Ova postojeća saobraćajnica sada koju imamo od 5,5 do 6 m, ona bi fizički bila odvojena 2 metra za pješake i onaj dio bi ostao za saobraćaj, s tim da bi ta, fizičke te prepreke ne bi bile estetski da rješavaju taj prostor, nego jednostavno samo da vozila ne mogu doći do samih tih zgrada.

Otvaram raspravu

Vijećnik Hajrudin Fermić, prijedlog da se ova Odluka usvoji i naravno da utvrdimo da će sva dalja procedura biti po redovnoj metodi onako kako je to zakonom i propisano sa poštivanjem svih zakonskih rokova od nacrtu itd. Jako je važno da znamo da je ovo jako osjetljivo pitanje, da imamo veliki broj zainteresovanih strana i da se uradi nešto po ovom zahtjevu, ali isto tako i protivnika ovog prijedlog-inicijative, a na nama je da kroz nacrt, pa javnu raspravu i konsultacije dobro vidimo i donesemo jednu adekvatnu pravu odluku nakon nekoliko mjeseci. U svakom slučaju prijedlog je svakako da ide u redovnoj proceduri.

Predsjedavajuća, zaključujem raspravu i dajem na glasanje

Z A K L J U Č A K

11.1. Usvaja se Odluka o pristupanju djelimičnoj izmjeni Regulacionog plana „Centar Maglaj-sjeverni dio“, po redovnom postupku.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

Glasalo 10 glasova uzdržanih: Adis Abdurahmanović, Nedžad Alispahić, Sefka Hasanic, Mirsad Bežić, Delić Edib, Safet Jašić, Edina Jašić, Dženita Smajlović, Ermina Muminović (SDA) i Mustafa Buljubašić (samostalni vijećnik).

AD -12 Informacija o deminiranju, obilježavanju, uništavanju neeksplozivnih ubojnih sredstava te provođenju akcije „Žetva“ na općini Maglaj u 2018. godini;

Anto Maglica, informaciju koju ste dobili, ona sadrži one aktivnosti koje smo u okviru Službe CZ vodili po pitanju ovih problematičkih stvari kao što su NUS, minsko eksplozivna sredstva, deminiranje itd. Možemo reći da smo se držeći određenih postulata da se općina Maglaj učini što sigurnijom za njezino stanovništvo u prošloj godini prema BiH MAC uputili 19 projekata deminiranja ukupne površine negdje oko 840.000 m². Tu se radi uglavnom o zajednicama koje su opterećene ovim problemima. Također smo opisali i šta je se to po pitanju čišćenja, da li tehničko izviđanje ili čišćenje kad je u pitanju deminiranje radilo od '96. do prošle godine u 22 godine. Tu se može vidjeti da je ukupno deminirano na području općine Maglaj od 3.120.000 m². Problem je u tome što mi ovdje imamo jako puno prikazano minsko sumnjivih površina. Prema posljednjoj reviziji protiv minskog djelovanja za općinu ugroženo minama za Maglaj čija je revizija urađena 2011. godine na općini Maglaj imamo oko 20 miliona m² minski sumnjivog prostora. On je raspoređen u tri kategorije. Znači I, II i III kategorija zemljišta. I kategorija zemljišta pripada naseljima, infrastrukturi, II kategorija spada poljoprivreda i III kategorija koja je najviše opterećena minama negdje preko 15 miliona m² pripada šumsko planinskom području općine Maglaj. Naravno da je u planu protiv minskih akcija čija je zadnja revizija urađena 2011. godine planirano da se teritorij BiH deminira do 2019. godine. Međutim, taj je rok produžen na pet godina, tako da sad imamo podatak do 2024. godine. Međutim, s obzirom da je problematika mina u svim lokalnim zajednicama koje su bile u vrlo složenim situacijama za vrijeme ratnih djelovanja to će vjerovatno biti i dalje produžavano taj rok.

Mi smo u prošloj godini permanentno izlazili na teren po pitanju ovih problema minko sumnjivih područja, po pitanju prikupljanja NUS-a njegovog predavanja na uništavanje i po pitanju akcije „Žetva“. Napominjem da je akcija „Žetva“ vrijedila po zakonu do 2015. godine, nekad do 7-og mjeseca 2015. godine, međutim mi u Službi CZ do danas ako ima takvih slučajeva da ne bi neko držao kod kuće neko eksplozivno sredstvo, mi to preuzimamo i naravno o tome obavještavamo Kantonalnu upravu CZ i Federalnu upravu i radimo permanentno uništavanje. U prošloj godini vi ste mogli vidjeti i u ovoj tabeli, tabela broj 3 jako puno uništenog NUS-a. Ovdje se spominje velika količina municije preko 3000 komada municije 311 komada različitog NUS-a. Zbog čega je to prošle godine toliko bilo uništavano, to je iz razloga što smo htjeli da naš magacin koji je već pretrpio jednu provalu da ga ispraznimo, tako da je uništavanje ovog NUS-a vršila Federalna uprava CZ, njihovi ljudi, a vršeno je u pet navrata. Oni imaju svoje sopove po kojima mogu određenu količinu trotila uništavati, tako da nisu mogli sve to odjedanput. Isto tako u tabeli broj 4 imate po žetvi. Samo da vam skrenem pažnju da su i ova sredstva prošle godine uništena. I ova sredstva iz tabele 4 se nalaze u tabeli 3 i ona su uništena. Nije bilo uništavanja na teritoriji općine Maglaj.

Sigurno vas zanima da li postoji nekakva procjena kad je u pitanju mine. Kad je u pitanju NUS ne možemo napraviti procjenu, NUS se može naći bilo gdje. U ovom planu protiv minskog djelovanja koji je urađen 2009. godine, a revidiran 2011. godine stoji u tabeli 10 na strani 16 opća procjena minske situacije za općinu Maglaj u 26 ugroženih lokalnih zajednica. Znači od Bijeće Ploče pa do Tujnice gdje imamo prikazano u m², odnosno ovdje je u km², koliki je to procijenjeni prostor u zemljištu I, II i III kategorije itd. Isto tako s obzirom da je problem deminiranje pitanje koliko para, koliko muzike, uglavnom se kod nas radi tzv. Humanitarno deminiranje. Još uvijek mi radimo na principu prikupljanja nekakvih donatora, donacija itd. čiju proceduru vrši BH MAC Regionalni ured Tuzla, tako da ćemo mi jako dugo vremena imati problematiku ne očišćenih prostora na našoj općini, tako da je urađeno trajno obilježavanje nekakvih oznakama. To su poznate oznake mrtvačka glava sa kostima, metalne table. Zadnje obilježavanje je urađeno 2011-2012. Godine, gdje je urađeno 472 trajna znaka u deset ugroženih zajednica. Znači od Liješnice do Krsnog Polja, na teritoriji Maglaja, znači u svim mjesnim zajednicama koje su ugrožene, a takođe je postavljeno 12 džambo plakata. U 12 ugroženih zajednica uglavnom samo da napomenem i ovi znakovi trajnog obilježavanja i ovi džambo plakati imaju svoje DPS koordinate tako da ako bi neko uklonio taj znak, to ne znači da njega nema tu ili da nije bio. Znači izviđači BH MAC-a imaju te koordinate i u slučaju da mi znamo da je to neko uradio mi njima javimo i oni to zanove, ponovo stave te oznake sa istim koordinatama. Ako ima pitanja tu sam na raspolaganju.

Otvaram raspravu,

Vijećnik Mustafa Bešić, što se tiče ove informacije mi ćemo nju prihvatiti. Ja bih se samo malo dotakao i tabelarno. Mi imamo ovdje plan i program za proteklih 20 godina, šta je urađeno. Mene zanima u m² velika je razlika kad uzmemo 2001. do 2016. Godine, mnogo je m² urađeno, a sad 2017.-2018. Imamo jako malo 42.000

m2, mislim interesuje me radi javnosti, jel mi nemamo sredstava ili donatora ili je umanjeno minskih polja na općini Maglaj. Dobro bi bilo da izađete za govornicu i kažete radi javnosti.

Anto Maglica, gospodin Bešić je dobro primjetio da u onoj tabeli koja prikazuje površine deminitarne u zadnjih 22 godine od '96 do 2018.godine, da je u nekim godinama to deminiranje bilo intenzivnije. Znači imamo tamo čak u jednoj godini oko pola miliona m2 da je deminirano, a recimo prošle i pretrpošle godine ta površina je znatno manja. Pretpostavljam da je to iz razloga što se donatori sve manje javljaju za ovakve projekte. Pretpostavljam, nije meni niko rekao zbog čega je to.

Vijećnica Šefka Hasanić, ne mogu da se ne uključim u ovu diskusiju, što je šef službe zaboravio reći. Znači minska polja su kategorisana prema kategorijama. I kategorija to je prioritarno rješavanje i na području općine Maglaj, ja mislim da je u većini slučajeva ta I kategorija minskih polja očišćena. Sistem deminiranja na području BiH, funkcioniše na taj način da se prvo na području BiH očiste sve I kategorije minskih polja, zatim slijede II kategorija. Znači na području općine Maglaj mi imamo očišćeno 90% I kategorije i trebamo sačekati da se ostatak BiH očisti u I kategoriji, dalekovodi, vodovodi, povratnička naselja i to. Znači šume i planine su u III kategoriji. Iz tog razloga mi na području općine Maglaj imamo smanjen broj ovih projekata deminiranja.

Predsjedavajuća, zaključujem raspravu i dajem na glasanje

- **Informacija o deminiranju, obilježavanju, uništavanju neeksplozivnih ubojnih sredstava te provođenju akcije „Žetva“ na općini Maglaj u 2018. godini, prima se k znanju.**

AD -13 Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2020. godinu i Dokumenta okvirnog Budžeta/Proračuna za period 2020-2022. godinu;

Otvaram raspravu

Vijećnica Ermina Muminović, Klub vijećnika SDA prihvata Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2020. godinu i Dokumenta okvirnog Budžeta/Proračuna za period 2020-2022. godinu.

Predsjedavajuća, zaključujem raspravu i dajem na glasanje

Z A K L J U Č A K

13.1. Usvaja se Operativni Budžetski/Proračunski kalendar za izradu i donošenje Budžeta/Proračuna Općine Maglaj za 2020. godinu i Dokumenta okvirnog Budžeta/Proračuna za period 2020-2022. godinu.

Usvojeno jednoglasno sa 24 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ), Adis Abdurahmanović, Nedžad Alispahić, Mirsad Bejić, Delić Edib, Šefka Hasanić, Safet Jašić, Edina Jašić, Smajlović Dženita Ermina Muminović (SDA), Mustafa Buljubašić (samostalni vijećnik).

AD – 14 Saglasnost za imenovanje direktora JU „Dječiji vrtić“ Maglaj;

Pauza za Klub SDA

Vijećnik Mustafa Buljubašić, ja ću iznijeti svoj stav i stav Kluba SDA. Meni je drago da je nakon toliko vremena mog proganjanja i vikanja šta sam to ja uradio, neko je došao prije mene ovdje nego što sam ja otišao u neovisne vijećnike, ali to nije bitno.

Bitno je da račun za naplatu dođe kad-tad, pa evo i ovaj puta je nečije obećanje i ono što je urađeno došlo na naplatu. Ja da sam jučer potpisao ukaz i pomoć o mitu, korupciji i nepotizmu, ja bi bio toliko jak da bi ovu tačku s dnevnog reda skinuo danas sa vijeća. Ja smatram da dva radna mjesta direktorska i to budžetska ne vrijede jednog vijećnika. To je stav i mišljenje i Kluba SDA i mi ne želimo da u ovom svemu učestvujemo. Mi ćemo se povući i izaći dok vi ovo pitanje riješite, a onda ćemo se vratiti.

Sjednicu Vijeća napustili su vijećnici Kluba SDA i samostalni vijećnik Buljubašić Mustafa.

Sjednici Vijeća prisutno je 14 vijećnika, tako da Vijeće može punovažno raditi i odlučivati.

Nina Bradarić, predsjednica Upravnog odbora JU „Dječiji vrtić“, želim vas obavijestiti o aktivnostima JU „Dječiji vrtić“ Maglaj. Upravni odbor JU „Dječiji vrtić“ Maglaj je na svojoj sjednici održanoj 06.02.2019.godine donio Odluku o raspisivanju konkursa za izbor i imenovanje direktora JU „Dječiji vrtić“ Maglaj. Konkurs je objavljen u listu „Dnevni avaz“, na web stranici Općine Maglaj i Oglasnoj ploči JU „Dječiji vrtić“ Maglaj. Po

isteku ostavljenog roka za podnošenje prijave Upravni odbor je na 4.sjednici održanoj dana 26.02.2019.godine konstatovao, da su se prijavila dva(2) kandidata i to:Bašić Kanita i Nalić Merisa, oba kandidata diplomirani pedagog-psiholog.

Na istoj sjednici Upravni odbor je razmatrao pristigle prijave kao i dokumentaciju koju su kandidati priložili uz prijave i utvrdio sljedeće:

-obje prijave su podnijete u ostavljenom roku,

-oba kandidata su priložila validnu dokumentaciju traženu konkursom,

-oba kandidata ispunjavaju opće i posebne uslove tražene konkursom.

Nakon pregleda dostavljene dokumentacije Upravni odbor se usaglasio o pitanjima i načinu vođenja intervjua sa prijavljenim kandidatima, odnosno kandidatima koji ispunjavaju uslove konkursa.

Osnov za obavljanje intervjua su bili ponuđeni Program rada i razvoja ustanove za četverogodišnji mandat koji su ponudili kandidati,kao i komunikacijske i organizacijske sposobnosti,sposobnost tumačenja propisa iz oblasti predškolskog odgoja i obrazovanja koju je regulirani organ osnovan kao i sposobnost upravljanja finansijskim i ljudskim resursima.

Intervju sa dva (2) kandidata obavljen je 28.02.2019.godine sa početkom u 13:30 sati.

Dana 28.02.2019.godine Upravni odbor je,imajući u vidu sve naprijed navedeno, usaglasio stav da je kandidat Kanita Bašić prvorangirani kandidat sa ostvarenih 44 boda.

Da bi Upravni odbor mogao donijeti konačnu Odluku o imenovanju direktora Javne ustanove „Dječiji vrtić“ Maglaj, molimo Vas da u skladu sa članom 41. Zakona o predškolskom odgoju i obrazovanju, date Vašu saglasnost da se Kanita Bašić diplomirani pedagog-psiholog, imenuje za direktora Javne ustanove „Dječiji vrtić“ Maglaj, u narednom četverogodišnjem mandatu.

Vijećnik Firuz Galijašević, ja imam jednu dilemu, malo prije sam slušao vijećnika Mustafu Buljubašića, dva puta pominje mi u Klubu SDA. Meni to sad nije jasno, da li je Mustafa Buljubašić član Kluba vijećnika SDA? Namjerno sam to rekao da i javnost zna.

Vijećnik Hajrudin Ferić, prvo sugestija ne daje OV u skladu sa članom 41. Zakona o predškolskom odgoju, jer to nije uopće predviđeno da Vijeće daje saglasnost na imenovanje izbor direktora, to je drugi Zakon. To je Zakon o reguliranim tijelima, tako da to izbrišete. Osnivač daje saglasnost samo u privatnom, a ovdje nema, imaju ti organi koji su prepušteni vama i ovaj zakon o izboru u regulirana tijela, čiji je osnivač OV predviđene su određene saglasnosti. Da ne bude po tom Zakonu, ali opet vi provjerite da li sam ja u pravu.

Ono što me interesuje da samo još jedanput potvrdite da li su ispoštovane sve zakonom propisane procedure u ovom procesu? Da li su svi dokumenti koje ste dobili i od jednog i od drugog kandidata valjani, validni i dokazuju da se ispunjavaju svi opšti i posebni uslovi? Ako to potvrdite da jeste sve to ispoštovali, ja apsolutno glasam za vaš prijedlog.

Nina Bradarić, možda da krenem od ovog drugog pitanja, ja vam tvrdim da su oba kandidata ispunjavala uslove i opšte i posebne uslove. Znači u potpunosti dokumentacija je validna, jer se radi o javnim ispravama koje su nama predočili, tako da je to sasvim u redu.

Što se tiče ovoga mi smo dužni po članu 41. Zakona o predškolskom odgoju i obrazovanju tražiti saglasnost od osnivača.

Vijećnik Josip Jurišić, mi smo na OO HDZ razmatrali i ovu točku dnevnog reda i nemamo ništa protiv da damo suglasnost gospođi koja je tamo izabrana kao prvorangirana za direktoricu JU „Dječiji vrtić“. Želim samo kolegici poželiti sve najbolje u tom poslu i radu, neće ti biti lako sigurno.

Predsjedavajuća, zaključujem raspravu i dajem na glasanje

ZAKLJUČAK

14.1. Daje se saglasnost na imenovanje direktora JU „Dječiji vrtić“ Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Elvir Vehabović, samostalni vijećnici, Josip Jurišić (HDZ).

Glasalo 1 uzdržan glas: Kanita Bašić, samostalni vijećnik.

BRIFING OPĆINSKOG NAČELNIKA

Poslije ove zimske sezone puno je bilo snježnog perioda, puno minusa, dosta je ostalo rupa na asfaltnim površinama, tenderska procedura je u toku, tako da ćemo to uskoro rješavati, a do tada će Služba organizovati da se to još jednom malo popuni zaglinjenim materijalom kako ne bi bilo kakvih izazvanih šteta.

Kad smo kod tih putnih problema, još jednom se moram obratiti mještanima Kosove u rejonu gdje je oštećen put zbog klizanja terena i zamoliti za strpljenje što sam učinio i prošle sjednice. U međuvremenu smo imali posjetu

stručnjaka sa Tuzlanskog univerziteta koji se bavi ovim poslom i očekujemo prijedlog rješenja. Kakav će biti prijedlog sad u ovom trenutku ne možemo reći, ali znamo sigurno da nije jednostavno i da nije jeftino rješenje. Kada je u pitanju ovaj dio Kosove, želim mještane informisati da se očekuje uskoro i početak radova na rekonstrukciji elektroenergetske mreže kako bi se omogućilo kvalitetno napajanje el.energijom tog dijela Kosove. Imao sam direktne kontakte sa predstavnicim Elektrodistribucije Zenice i u međuvremenu od mog razgovara od prije nekoliko dana do danas je trebao da se otvori radni nalog za početak radova. Čim je otvoren radni nalog po slijedu aktivnosti koje su unutar Elektrodistribucije, doće i to na red vrlo brzo, a nakon toga bi trebali očekivati da se uradi i na dijelu mreže kod Doma u Kosovi.

Kada je u pitanju općenito elektroenergetski sistem želim vas informisati da sam zakazao sastanak 19.03.2019.godine sa obje Elektrodistribucije i pozvao predstavnike OSCE-a da prisustvuju istom s ciljem rješavanja problema nove trafo stanice Gornja mahala na području Novog Šehera. Više od godinu dana je od kako je dobijena upotrebna dozvola za ovu trafo stanicu koja je inkonponirana u postojeći elektroenergetski sistem koji pripada Elektroprivredi HZHB a nova trafo stanica urađena od strane Elektroprivrede BiH, tako da je došlo do određenih problema nadležnosti održavanja itd. što smo jednom već pokušavali rješavati i evo ponovo ćemo to rješavati da se ta trafo stanica pusti što prije pod napon u korist mještana tog kraja, a neka nesuglasice koje postoje između dvije Elektroprivrede neka to rješavaju. Moguće je to uraditi, a naknadno da riješe svoje sporove postoji mjerenje električne energije, prema tome neka se naknadno i obračuna.

Dobra vijest kad je u pitanju elektroenergetski sistem je što je nakon više od 20 godina riješen problem napajanja el.energijom rejona Donji Rakovac. Također je u toku elektroenergetske mreže i trafo stanice u Kopicama. Neki prijatelji su mi pokazivali, pošto ne pratim fejsbuk vrlo rijetko sam na fejsbuku, pokazivali su mi koje kakve objave pojedinih mještana Kopica u naseljima MZ. Dakle, to su notorne laži. Ovo govorim i zbog mještana Kopica i zbog vas vijećnika da znate da proces rekonstrukcije mreže izgradnje nove trafo stanice, novog naponskog voda i nove niskonaponske mreže u dijelu Kosove sam ja još dok sam radio u Elektrodistribuciji započeo i ovdje ima i zahtjev i rješenje o urbanističkoj. Urbanističku sam potpisao ja 15.12.2016. neposredno nakon što sam došao za Načelnika. Prije toga sam proveo čitavu proceduru za trafo stanicu i hvala Bogu gore se to radi. Prema tome, Općina Maglaj nastoji i trudimo se da rješavamo probleme kada je u pitanju elektroenergetska mreža.

Kada je u pitanju MZ Kopice, nažalost predsjednik MZ Kopice je izašao i mi smo prije dan dva imali kraći razgovor po pitanju Društvenog doma u MZ Kopice, čekamo zahtjev za građevinsku, čekamo da se priloži i zahtjev i projekat, a kako znate u planu kapitalnih investicija smo uvrstili ove godine i projekat izgradnje Društvenog doma, I-faza u iznosu od 25.000 KM.

U toku je niz tendera za izvođenje radova ali i za projektovanje također je raspisan javni poziv za idejno rješenje Trga u Starom gradu. Predvidjeli smo određene nagrade, pa evo ukoliko ima zainteresovanih i kreativnih kad je u pitanju uređenje Trga uključite se u to.

U toku je i projekat za sanaciju klizišta u Čojluku. Napraviti ćemo pritisak da se to klizište što prije sanira. Za javnost moram reći da je to obaveza Kantona i Direkcije cesta ZDK, ali isto tako moram reći da sa ovom Direkcijom imamo dobre odnose od ranije i resorna Služba i Direkcija imaju dobre odnose, tako da očekujemo da ćemo i ovaj projekt realizovati.

Ja bih još u ovom trenutku pomenuo bezbjedonosnu situaciju kada je u pitanju općina Maglaj, vraćajući se na problem paljenja državne zastave. Pored nečuvenog vandalizma, radi se o krivičnom djelu, radi se paljenju državne zastave. Ja sam prije nekoliko trenutaka kontaktirao Komandira PS gospodina Mušića da dobijem najnovije informacije u tom pogledu. Ukratko rečeno pomaka u istrazi imaju, ali zbog svih tih procedura od zakonskih i sudskih odobrenja, preuzimanja dokaznih materijala još uvijek ne mogu nam dati konkretan pokazatelj. Što se tiče saradnje sa Komandrom PS, ona je na zadovoljavajućem nivou, ali isto tako moram reći da sa radom ostalih institucija nisam zadovoljan, zato što je to sve presporo, što nemamo dovoljno informacija. Vi znate ja sam vas informisao kada smo imali sastanak vezano za paljenje onih vikendica da su tad saopštili da su pri kraju, da će vrlo brzo biti precesuirani i javnost upoznata sa podacima ko je to učinio. Do danas nemamo tih podataka, iako je prošlo više od pola godine.

Što se tiče vijećničkih pitanja danas spomenutih, ja ću opet reći. Nekih vijećničkih pitanja koja se postave usmeno, na neka usmeno odgovorim i smatram ako sam dao odgovor da je to završeno. Ukoliko neko želi zaista pismeni odgovor, neka pismeno i postavi svoje pitanje. Ponukan sam to, zato što je vijećnica Šefka Hasanić ovdje pomenula da je četiri puta postavljala vijećničko pitanje vezano za ulicu prema Natronu. Jedna od standardnih neistina od vijećnika SDA, ja bih danas mogao pobrojati 10-15 klasičnih laži i spinova, ali to ide njima na dušu. Dakle, kada je postavljeno pitanje dobijen je i odgovor. Odgovor je glasio da je u periodu od mog dolaska obezbijeđen bio dio sredstava za rekonstrukciju za I fazu rekonstrukcije i to je urađeno negdje do gradskog stadiona. Za vrijeme mog mandata obezbijeđena su sredstva za nastavak rekonstrukcije odrađen nastavak rekonstrukcije. Dalje kad ćemo raditi, kad obezbijedimo sredstva, a ono što se svi sjećate da od 2014. godine do novembra 2016.godine se nije htjelo ni onih 110 metara uništenog puta asfaltirati da bi stanovnici koji ulaze u Maglaj i uposlenici Natrona i svi ostali se barem mogli normalno kretati. Mi u ovom trenutku iznalazimo određene mogućnosti, a ponukani smo i jednim od razgovora sa Menadžmentom „Natron-Hayat“ ali i samih uposlenika „Natron-Hayat“ da se barem privremeno gore obezbijedi kakva takva ulična rasvjeta, tako da ćemo vjerovatno

uspjeti naći rješenje i za taj dio, da privremeno odradimo prema Natronu do nastavka rekonstrukcije, kad će biti to ćemo vidjeti kad je u pitanju rekonstrukcija. Sve to što ugradimo bit će iskorišteno naknadno poslije rekonstrukcije, iskorišteno negdje na drugim mjestima na području općine Maglaj.

VIJEĆNIČKA PITANJA I INICIJATIVE

Vijećnik Fikret Delić,

Ja sam imao dva pitanja za Načelnika, a Načelnik je upravo dao sve odgovore za moju MZ Kopice i ja mu se ovom prilikom zahvaljujem, što se tiče Doma i trafo stanice, on je to sve lijepo obrazložio i još mu jednom hvala u moje lično ime i ime mještana.

Imam još jedno pitanje:

Na jednoj od prethodnih sjednica sam podnio jednu inicijativu za održavanje svih spomen obilježja na općini Maglaj. Nisam dobio nikakav odgovor, pa me zanima da li ima od te inicijative, da li će se to održavati, da li će se čistiti i očekujem odgovor pismeno.

Imam jednu inicijativu od mještana Katunišće u MZ Kopice. U pitanju su dvije sijalice – rasvjeta. U naselju Katunišće gdje zaista mještanima je potrebno i zbog djece i zbog njih samih da se izvrši, s tim što će i mještani to smo već dogovorili da iskopaju i postave bandere, izvršit će svu pripremu. Na kraju da se zahvalim još jedanput našem Načelniku na prethodno postavljenoj rasvjeti u prošloj godini, koja je postavljena u naselju Jezersko brdo koje je isto tako gospodin dopredsjedavajući Fermić predložio i dole Jašići i čak smo uspjeli odvesti zahvaljujući Načelniku na kraj sela, od dna sela do na kraj sve smo uzeli u obzir i još jednom hvala u ime svih mještana i u moje lično ime.

Vijećnik Mustafa Bešić, Načelnik je u svom izlaganju već iznio po pitanju paljenja državne zastave u Novom Šeheru. Ja sam bio na Kolegiju kad smo pozvani svi na prošireni Kolegij, gdje smo tražili da se u brza i iznese što je brže moguće pred javnost. Ja živim na tom gore dijelu, vodim jednu MZ i u svojoj MZ imamo mješovito stanovništvo, imamo dobre odnose i jako nam je stalo svima gore na novošeherskom kraju da se upoznaju sa tim.

Imam inicijativu, Načelnik je i nju pomenuo i vjerovatno se čeka na bolje vrijeme po pitanju asfaltnog puta. Vдите i sami da imamo dosta toga, zima je ostavila za sobom, rupe, sanacije, pored Natronke ovaj dio gore prema Donjim Bradićima. Zamolili su me mještani da je put u jako lošem stanju, da je rupa na rupi i da ne mogu se kretati. Ima toga sigurno još dosta, ja vjerujem kad prođe ova sezona da će se to uraditi.

Na prošloj sjednici sam pokrenuo vezano za Brezove Dane, imamo gore Srbe i Hrvate, došlo je do odrona puta i gdje je jedna strana mosta pala, pa su me ponovo zamolili da iznesem taj problem i da izađe komisija, da se vidi šta se može uraditi. Ljudi se boje da će ostati bez puta i da se neće moći kretati ovim putem. Molim Službu da izađu na teren i utvrde to.

Vijećnik Hajrudin Fermić, dvije inicijative:

Prva inicijativa je podsjećanje na jednu inicijativu koju sam pokrenuo 2017.godine, a tiče se izgradnje autobusnog stajališta u MZ Jablanica. Tamo sam pomenuo još pekaru. Rečeno je da će to ići te godine, a nije ni 2018.,2019. godine. Nadam se da će se to uraditi. Dobar broj mještana u posljednje vrijeme kako su kiše je postavljalo meni pitanje šta bi s tim, imal šta od toga. Ja samo podsjećam ako se može nešto u nekom narednom periodu uraditi tamo gdje je bivša pekara na raskršću.

Druga inicijativa se odnosi na izmjene da se vidi, sugeriše i razmisli da se izvrše izmjene u Kriterijima za dodjelu sredstava iz Budžeta Općine Maglaj za 2019.godinu, sa transfera prijevoz učenika. Naime, ovi kriteriji zaista su i dobri i korektni i visina sredstava predviđena u ovoj godini koja će se dati je korektna i veća nego što se ranijih godina i planiralo. Međutim, ona se odnosi samo na učenike srednjih škola. Ja bih sugerisao ovdje da vidite mogućnost da se ubace po istim kriterijima koji jesu za roditelje učenika srednjih škola, ubace i roditelji učenika osnovnih škola koji imaju djecu po troje i više djece u OŠ, a udaljeni su od škole najmanje 2 km. Kriteriji bi ostali isti, ima to razrađeno. Mislim da nema takvih puno učenika osnovnih škola i da neće ništa remetiti u ovom planu, a sasvim sigurno je da bi se pokazala i dobra volja, a to bi pomoglo i jednom broju roditelja o kojima smo mi na prethodnim sjednicama OV i govorili i pominjali.

Ja se nadam da ćete vi tu naći neku kalkulaciju i da ubacite i učenike osnovnih škola koji su udaljeni od 2 i više km od škole, a imaju dvoje i više djece u OŠ.

25. sjednica Općinskog vijeća završena u 14,37 sati.

Zapisničar,
Nisveta Bašić

PREDSJEDAVAJUĆA
Svjetlana Zamboni

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

uspjeti naći rješenje i za taj dio, da privremeno odradimo prema Natronu do nastavka rekonstrukcije, kad će biti to ćemo vidjeti kad je u pitanju rekonstrukcija. Sve to što ugradimo bit će iskorišteno naknadno poslije rekonstrukcije, iskorišteno negdje na drugim mjestima na području općine Maglaj.

VIJEĆNIČKA PITANJA I INICIJATIVE

Vijećnik Fikret Delić,

Ja sam imao dva pitanja za Načelnika, a Načelnik je upravo dao sve odgovore za moju MZ Kopice i ja mu se ovom prilikom zahvaljujem, što se tiče Doma i trafo stanice, on je to sve lijepo obrazložio i još mu jednom hvala u moje lično ime i ime mještana.

Imam još jedno pitanje:

Na jednoj od prethodnih sjednica sam podnio jednu inicijativu za održavanje svih spomen obilježja na općini Maglaj. Nisam dobio nikakav odgovor, pa me zanima da li ima od te inicijative, da li će se to održavati, da li će se čistiti i očekujem odgovor pismeno.

Imam jednu inicijativu od mještana Katunišće u MZ Kopice. U pitanju su dvije sijalice – rasvjeta. U naselju Katunišće gdje zaista mještanima je potrebno i zbog djece i zbog njih samih da se izvrši, s tim što će i mještani to smo već dogovorili da iskopaju i postave bandere, izvršit će svu pripremu. Na kraju da se zahvalim još jedanput našem Načelniku na prethodno postavljenoj rasvjeti u prošloj godini, koja je postavljena u naselju Jezersko brdo koje je isto tako gospodin dopredsjedavajući Fermić predložio i dole Jašići i čak smo uspjeli odvesti zahvaljujući Načelniku na kraj sela, od dna sela do na kraj sve smo uzeli u obzir i još jednom hvala u ime svih mještana i u moje lično ime.

Vijećnik Mustafa Bešić, Načelnik je u svom izlaganju već iznio po pitanju paljenja državne zastave u Novom Šeheru. Ja sam bio na Kolegiju kad smo pozvani svi na prošireni Kolegij, gdje smo tražili da se u brza i iznese što je brže moguće pred javnost. Ja živim na tom gore dijelu, vodim jednu MZ i u svojoj MZ imamo mješovito stanovništvo, imamo dobre odnose i jako nam je stalo svima gore na novošeherskom kraju da se upoznaju sa tim.

Imam inicijativu, Načelnik je i nju pomenuo i vjerovatno se čeka na bolje vrijeme po pitanju asfaltnog puta. Vdite i sami da imamo dosta toga, zima je ostavila za sobom, rupe, sanacije, pored Natronke ovaj dio gore prema Donjim Bradićima. Zamolili su me mještani da je put u jako lošem stanju, da je rupa na rupi i da ne mogu se kretati. Ima toga sigurno još dosta, ja vjerujem kad prođe ova sezona da će se to uraditi.

Na prošloj sjednici sam pokrenuo vezano za Brezove Dane, imamo gore Srbe i Hrvate, došlo je do odrona puta i gdje je jedna strana mosta pala, pa su me ponovo zamolili da iznesem taj problem i da izade komisija, da se vidi šta se može uraditi. Ljudi se boje da će ostati bez puta i da se neće moći kretati ovim putem. Molim Službu da izađu na teren i utvrde to.

Vijećnik Hajrudin Fermić, dvije inicijative:


Prva inicijativa je podsjećanje na jednu inicijativu koju sam pokrenuo 2017.godine, a tiče se izgradnje autobusnog stajališta u MZ Jablanica. Tamo sam pomenuo još pekara. Rečeno je da će to ići te godine, a nije ni 2018.,2019. godine. Nadam se da će se to uraditi. Dobar broj mještana u posljednje vrijeme kako su kiše je postavljalo meni pitanje šta bi s tim, imal šta od toga. Ja samo podsjećam ako se može nešto u nekom narednom periodu uraditi tamo gdje je bivša pekara na raskršću.

Druga inicijativa se odnosi na izmjene da se vidi, sugerise i razmisli da se izvrše izmjene u Kriterijima za dodjelu sredstava iz Budžeta Općine Maglaj za 2019.godinu, sa transfera prijevoz učenika. Naime, ovi kriteriji zaista su i dobri i korektni i visina sredstava predviđena u ovoj godini koja će se dati je korektna i veća nego što se ranijih godina i planiralo. Međutim, ona se odnosi samo na učenike srednjih škola. Ja bih sugerisao ovdje da vidite mogućnost da se ubace po istim kriterijima koji jesu za roditelje učenika srednjih škola, ubace i roditelji učenika osnovnih škola koji imaju djecu po troje i više djece u OŠ, a udaljeni su od škole najmanje 2 km. Kriteriji bi ostali isti, ima to razrađeno. Mislim da nema takvih puno učenika osnovnih škola i da neće ništa remetiti u ovom planu, a sasvim sigurno je da bi se pokazala i dobra volja, a to bi pomoglo i jednom broju roditelja o kojima smo mi na prethodnim sjednicama OV i govorili i pominjali.

Ja se nadam da ćete vi tu naći neku kalkulaciju i da ubacite i učenike osnovnih škola koji su udaljeni od 2 i više km od škole, a imaju dvoje i više djece u OŠ.

25. sjednica Općinskog vijeća završena u 14,37 sati.

Zapisničar,
Nisveta Bašić



Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

